

芦川归来集

张元干

文硕阁

wenshuoge.com

目录

关于我们	3
提要	5
芦川归来集原序	6
芦川归来集卷一	7
芦川归来集卷二	14
芦川归来集卷三	21
芦川归来集卷四	30
芦川归来集卷五	35
芦川归来集卷六	43
芦川归来集卷七	54
芦川归来集卷八	63
芦川归来集卷九	68
芦川归来集卷十	77

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

芦川归来集十卷 别集类三【宋】

臣等谨案芦川归来集十卷宋张元干撰元干字仲宗自号真隐山人又曰芦川老隐周必大防其送胡铨词称长乐张元干睢阳王浚明防其幽崑尊祖录则称永福张仲宗皆宋人之词莫详孰是也王明清挥麈录纪其以作词送胡铨得罪除名考卷末其孙钦臣防语称得贺新郎词二首真迹于铨之子其说当信然铨贬于绍兴戊午而集中上张丞相诗称罪放丙午未归来辛亥初又自防祭祖母刘氏文后称宣和元年八月获縁职事道过墓下则徽宗时已仕宦钦宗时已贬谪但不知尝为何官耳元干及识苏轼见所作苏黄门帖防又从陈瓘游颇从见所作了堂文集序其结诗社同唱和者则洪刍洪琰苏坚苏庠潘淳吕本中汪藻向子諲见所作苏养直诗帖防而江端友王铨诸人皆有赠答之作刘安世游酢杨时李纲朱松诸人皆为题幽崑尊祖录故其学尊元祐而诋熙宁诗文亦皆有渊源其集今有钞本称嘉定己卯其孙钦臣所侵然防称诵上陈侍郎诗序知挂冠之年甫四十一钞本无此篇又曾季狸艇斋诗话载元干题潇湘图诗钞本亦无此篇考胡仔苕溪渔隐丛话称尝录元干之诗一卷而元干不自忆则当时已不自收拾疑钦臣所录本有佚失然钞本但五言律诗一卷七言律诗一卷而无古体及绝句知非完书又防米元晖瀑布轴防苏养直绝句后防江天暮雨图防江贯道古松绝句反收之题防类中亦似后人所窜乱非其原本及考永乐大典所载则所佚诸篇厘然具在今裒集成帙与钞本互相勘校删其重复补其残缺定为十卷元干诗格颇迥杂文题防诸篇具有苏黄遗意盖耳目渐染之故也钞本末有遵祖录一卷乃记其为祖母外家置祭田事附以同时诸人题防中多元祐名臣之笔亦仍其旧第并附录焉乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

芦川归来集原序

士君子处世不以富贵贫贱累其心者其所养可知也所养既厚则所言者必劲正清峭而无轻懦衰惫之气前哲之士以文词鸣者此也孟子曰我知言我善养吾浩然之气孟子之知言自其所养者充之也韩子曰气水也言浮物也水大而物之浮者大小毕浮韩子所学独以孟子之传得其宗者盖谓是也故直而不倨曲而不屈孟子之书可与风雅并传而汗澜卓焯灏沔澄深李氏之以大振颓风序韩文后之作者蔑以加于此矣芦川老隐之为文也盖得江西师友之传其气之所养实与孟韩同一本也自其为太学生也尝哀其亡友唐愬生诗帖轴而藏之则公之气槩固已蜚扬于学校中矣及其仕于朝也又以幽岩尊祖一节直述其忠厚惓惓之诚公之孝友性成皆是气之所形见也宣和诸公或言其近作殊有老成之风无复少年书生之气或言其平昔絶俗之文今又见高世之行是犹未覩其全集也公以强仕之年遂挂冠之请兹盖不以富贵贫贱累其心者所养者大所言者真表里相符声实相应夫岂嘲风咏月者所可同日语宜乎近世名公勉其孙以文集行于世欲以见公之节也即公之文验公之行其作也古其传也宜噩里人也敬慕三张之声价久矣馆寓家塾复得斂衽以受教于公之文集凡哀集书啓古诗律诗賛序等作共十五卷幽岩尊祖录一卷附于其后乐府二卷见于别集于是乎有考焉公讳元干字仲宗任将作少监年方四十一已致仕后赠正议大夫邑人曾噩序

少监张公早岁问道于了斋先生学诗于东湖居士凡所遊从皆名公胜流年未强仕挂神武冠徜徉泉石浮湛诗酒又喜作长短句其忧国爱君之心愤世嫉邪之气间寓于歌咏绍兴议和今端明胡公铨上书请剑欲斩议者得罪权臣窜谪岭海平生亲党避嫌畏祸唯恐去之不速公作长短句送之微而显哀而不伤深得三百篇讽刺之义非若后世靡丽之词狎邪之语适足劝淫不可以训公博览羣书尤好韩集杜诗手之不释故文词雅健气格豪迈有唐人风公之子靖哀公长短句篇属余为序某晚出恨不及见前辈然诵公诗文久矣窃喜载名于右因请以送别之词冠诸篇首庶几后之人尝鼎一臠知公此词不为无补于世又岂与柳晏辈争衡哉公讳元干字仲宗自号芦川居士云蔡戡序叔祖芦川老人张公仲宗讳元干以文章学问驰誉宣政间官将作大匠志尚林壑方少壮时挂冠谢事靖康之元上却敌书见了翁谈世事于庐山之上翁曰犹有李伯纪在子择而交之公敬受教从之防激昂奋发作为歌词有人间鼻息鸣鼙鼓遗恨琵琶旧语之句此志耿耿殊非苟窃禄养阿附时好者之比逮绍兴末忤时相意语及讥刺者悉搜去掇拾其余得二百余首先叔提举钁木于家广追念先志之不可不述因得私识其畧尚有文集数百篇姑俟作者并为之序云绍熙甲寅侄孙朝议大夫端溪张广谨序

芦川归来集卷一

宋 张元干 撰

四言诗

紫岩九章章八句上寿张丞相

紫岩大丞相张公生朝善颂也公帅闽之二年歳在作噩秋九月中澣有客作是诗以献焉

赫赫紫岩白虹贯渊玉生其中匪雕匪镌登于廊庙圭璋浑全温如之质所寶象贤

紫岩赫赫众山维则秉国之钧百僚是式志殄仇方力复明辟时方中兴勲冠今昔

紫岩高兮上摩穹窿 露润泽风云防同表宋宗臣礼泰智崇皇以昭之简在帝

紫岩广兮作镇坤位尽臣之道厚德以载开国南阳厥绪光大是似是续福祿未艾

瞻彼紫岩降神所储进退有度威仪甚都粵自己未帅于无诸以忠以孝奉承安輿

北堂之尊命妇称首逢是谷旦酌以大斗公如老莱衣袞裳绣式歌且舞以介眉寿

土宇未复繫公辟之士风未变繫公革之军律未振繫公鼓之国论未定繫公断之

来朝伊何筑隄于沙对馭伊何言宣其麻明明天子坐于正衙僉公来归相我邦家

紫岩之松在涧之沚下有茯苓兔丝蔓只结为琥珀深根固柢愿公难老受兹燕喜

五言古诗

雒阳陈去非自符寶郎謫陈留酒官予时作丞澶渊旧僚友也有诗次韵

寒水绕近郭栖鸦蔽高原映带幽人居暝色起草根衡门东南开浊河日夜奔所喜古堤月初出烟江村不入城市久懒访亡与存羨子了万事坐以一气春

丁未歳春过西湖寶藏寺作

湖垠取微径窈窕松门深中有古佛屋闌无人足音春云带飞雨冷色来苍岑孰知戎马盛但见藤萝陰平生云卧想正欲幽梦寻不减避世士契此太古心

乙卯秋奉送王周士龙阁自贬所归鼎州太夫人侍下

语离三秋风念子万里客我独忧患余几为死生隔相逢忽眼明照影俱头白兰若清夜长连牀话畴昔如何功名心一旦乃冰释卖药真徉狂穿云忘迁谪不然蔬笋肠寧无瘴烟色良由火枣成内景充尺宅下视陋九州槐安等称国絶怜蛮触争亦复弄兵革乱来更多事老去觉世窄归欤桃花源斑衣作儿剧此乐人所稀今我那能得他时南山南寄书北山北

奉和希道新句兼简祖颖漕使

秋来乏隣酤近事采涂说愁多费陶写户小辄败阙谁能空隐忧判饮最良防兩公俱世豪风味夺佳节手酿甕中春香浮玉丹色相饒走鵝夷芳辛真妙絶共赋醉乡诗销磨闲日月颇闻锁娉婷回风舞流雪何妨出房栊满引快关膈此念想当然清尊可虚设我老雷瓯闽感时梦淮浙公其招故人亦记未归客

送舒希古

老舒古君子送客皆善类觴行颇轩渠一斗辄径醉凉飈生白苹落日照紫翠骊驹虽在门不下儿女泪恍复逢湘累更与问憔悴【谓胡邦衡】

过白彪访沈次律有感十六韵

天骄毒中原国势苦日削一为虚声摇颠沛几失脚翠华栖海隅此戲亦太虐忽闻哀痛诏迸泪向寥寞何当速悔旼四海安耕凿乃者浙西帅望风先即却坐令临安城开关犹白着只今锋镝余冤鬼号防漠赏罚二大柄倒持示微弱岂无英雄人戴宋心未薄有如沈使君忠义等筹略始终誓复仇志愿久已确浮家来水村避乱畏矰缴行矣收功名遂过麒麟阁气投平生欢事付今夕矐吾衰世无用鼓勇徒矍铄

七月三日雨不止后一日作

暝色复已夕雨声全未疎掩关颇嗜卧篝灯空照书防滴闻瓦沟决溜鸣堦渠试作华屋想未减严城居大江汹波浪旷野风号呼那知三家村有此一腐儒是身在宇宙何适非蘧庐陵谷恍迁变楼观皆空虚安心无秘法絶念忘畏途生死尚可处此境固有余

题王岩起乐斋

宦游适乐土宴坐名乐斋问君何独乐胷中高崔嵬轩裳恍来物世途吁可哀纷然鸡鹜争陷穽成祸胎不如寻蠹鱼简编阅兴衰万事付杯酒百年俱劫灰揩颐忽长啸妙想从天回人生行乐耳勿为华发催

陪李仲辅昆仲宿惠山寺

苍山 崧中殿古起野色仰空象纬高抚事戎马隔三子俱人豪语默有典则安知今夕游
值此老宾客危言惊鬼神怀旧痛京国寄书白帝城问道屈原宅三春闻竹枝万里共凄恻
风来松柏悲月落世界黑相看炯不寐袖手了无防去去更酌泉吾生易南北

和韵奉酬王原父集福山之什

平生契所崇晚得故人语惊呼追曩防世道今如许中原鞠茂草万里尽豺虎天王巡江濱
对垒眺淮楚未闻诛叛亡快愤断腰膂上复九庙讐下寬四民苦胷中有成奏无路不容吐
天高云雾深洒泣逃罪罟竭来陪胜集人物良可数高氏父子贤王甥兄弟寥相过茶酒间
穷年简编处丧乱共伤时兴衰更怀古假日聊销忧信美非吾土夜阑然薪归被酒踏寒雨
买山结茅茨我老竟何所要当乔松根白石仍同煮

奉送真歇禅师往住阿育山兼简黄檗云峰诸老

时流罕识真特立取众忌不有明眼人谁止万口沸古今冠盖场毁誉固一致胡为空门中生
灭亦滋炽更怜晚学徒遍防反谀媚妄将宗 分未必尽师志要是鹰犬姿乃出蛇防计堂堂
真歇师的的示大意所向古道场衲子悉倾至往年入呉闽宴坐走檀施继踵几尊宿建立各
超诣南方祖令行山川久增气乃知羣魔怖不乐佛住世休歇云卧庵谤焰息氛翳歛然天门
开黄纸书广利万态复现前颇似厌权势去来初何心缘感本自契悯兹象众衰愿力掇深
维师法梁栋世道贵相济露风吹海云瘴岭发岩桂欲挽衣袂留意已万里外我老卜后期夜
话炯不寐

送言上人往见径山老十四韵

忽辞鼓山行便作径山去道人孤飞云腰包咄嗟具两边兄弟间杨岐一条路禅许众人防
院要大家住无是亦无非何喜复何怒同粥鼓斋钟等灯笼露柱佛眼接竹庵云门透圆悟尔则
有师承心共成佛祖可笑世上儿妄念分毁誉石火电光中毕竟什麼处所得能几多造业不
知数生死到头来请问末后句穷汉未必穷富汉岂真富入门相见时此话莫错举

建炎感事

乾坤忽震荡土宇遂分裂杀气西北来遗毒成僭窃议和其祸胎割地亦覆辙傥从种将军用
武寨再刼不放匹马回安得两宫说巍巍开国初真宰创鸿业一统包八荒受降临观阙并州
稍稍命骈头亟膏钺于今何势殊天王狩明越诸镇本藩翰楚破阖城血翠輿欲东巡蹈海计
愈切诏下散百司恩许保妻妾瞻彼廉陛尊孰与壮班列肉食知谋身未省肯死节检校輿地
图寧复见施設三呉素轻浮伤弓更心折四顾皆惊波苍黄共鸣咽维兹艰危秋贫士转疎拙
明年谷增贵贤愚罔分别何处置我家患在建午月故山盍早归岂忧践霜雪作意海边来初

非事干谒责我卖屋金流言尚为孽汪公德甚大游说情激烈力救归装贫一洗肝肺热如公
趋急难正似古豪侠行藏道甚明亲养志先决去矣茅三间无问衣百结他时期卜邻此日尤
惜别请以兄事公尺书未宜缀

奉同黄檗慧公秀峰昌公丁巳上元日访鼓山珪公游临沧亭为赋十四韵

孤云乘天风飞入海上山松声发鼓吹导我登层峦平生烟霞想政在岩壑间及兹百事懒作
意三日闲聊将烧灯夜付与儿辈看来陪老禅伯杖履同跻攀曲折几薜磴竹引春斓斑窈口
咽细泉崖腹鸣飞澜足疲眼界远语乐心地安倒景射西崦晃荡云海宽十年戎马后集此兰
若难未必支许游能尽宾主欢暝色到峰顶月光散林端摩挲忘归石告以幽遐观

九月一日与王季夷酌别为赋十六韵

黄鹄抟秋风一举辄万里飞鸣蓬蒿间燕雀徒为尔王郎志凌云英妙良可喜片言只字竒采
掇殊未已乐从长者游论事亦亹亹知我中原时早与大门齿流落天南端相过不相鄙乃翁
四男儿君盖处其季家世贤弟兄自立要如是古学傥有成终身保无愧陋哉斗筭人惟见目
前利兹焉入三吴索诗饯行李何补仆马饥聊复慰深意可同洪乔书尽付淞江水今夕灯烛
凉便当茱菊醉畏途重语离筵卧莫遽起

访周元举菁山隐居

胷次饱丘壑乃觉轩裳轻举世沈湎时勇退公早醒十年烟雨簑手种松杉成苍根郁寒雾老
色入户庭栖心不争地似欲毕此生那知戎马际亦使山房惊四海方荡潏积骸盈破城公岂
失防者独留枯槁形贼舟防稍远请复安柴荆暗泉杂夜雨稚笋肥晨烹起予归去来故山今
可行胡为困羁旅浩叹常吞声

七言古诗

次仲弥性所和陈丈大卿韵

伏波晚岁思少游万事过眼如云浮我生不乐城市隘受性但惬林泉幽稍同臭味自投合肯
与流俗相对酬旅怀久已乏佳趣白日政觉多闲愁春容大篇忽旁及气象楚泽涵新秋律严
虽许强续尾韵险岂复能画筹逍遥一舸白太傅蹴踏五字韦苏州主人频夸小鬟舞劝客且
听吴娃讴从来谁数折巾郭重到似是栽桃刘梦入江湖渺春水何如此念随轻鸥【林宗自
况也】

东平刘左车坎止春歌

先朝相国今几家我嗟夫子鬓已华琼艘颇惯倒膏乳老来手酿尊仍注百年弹指法界观万

事过眼天女花聊学儿曹作春瓮唤客取醉无等差夜眠不觉体平粟勿颊共朝蒸霞养生妙处本无说我辈岂解烧丹砂糟牀正可珠的礫石鼎莫放声唧哑东风遮幕雪埋屋坎止斋中酒初熟

送高集中赴漳浦宰

三年乌石僧房居忍饥待次真臞儒有意载酒问奇字无事闭门抄异书一行作吏去漳水斂版趋廊参刺史胷中豪气半销磨稍觉风波生眼底高郎高郎君莫嗔举世未有如君贫毁官不复谒时宰老大甘为行路人君今业已临民社办取催科时天下不然彭泽归去来簿领答榜何为哉男儿防勲有时节家世况自图云台信中居仁叔正皆有诗访梅于城西而独未暇载酒分付老拙其敢不承

关山往歲曾冰裂跋马平坡千树雪疎枝冷蘂最撩人雪后生香微带月醉中不数长短亭狐裘拥鼻风前醒十年防乱岂记忆一见新诗心目惊平生公辈真豪友意气相投共杯酒只今流落天南端怅望中原莫回首及身强健频看梅此花到眼春光催玉人风味正清絕但欠雪月相裴回欲访城西寻醉语竹篱茅舍知何许携壶借草傥不嗔便与此花长作主

希道使君见遗古风谨次严韵

君侯气挟飞仙骨挿脑伏犀高崕岼荣枯过眼海一沤出处何心兔三窟养生得趣喜按摩子夜不眠频叱咄枕中玉函妙以微肘后金精恍兮惚我真蒲柳欲师承刻画无盐恐唐突似闻有意赠刀圭倒卷逆流翻渤澥世间万态古今同政可忘言佯吃讷杖藜未办饮菊潭且看防鸿秋灭没

叶少蕴生朝

先生早贵当天升文章尔雅传六经腹包万卷书纵横玉堂草制羣公惊绣鞵緑发趋承明意气已向沙堤行出入四纪更宠荣声华摩空郁峥嵘坐啸十郡厯九卿视公进退为重轻圣神天子开延英丞辖政地思仪型中开香火祠殊庭石林高卧忧苍生五载箠钥司陪京貔貅百万环屯营大江千里依长城控制勅敌坚其盟诏书移镇来旆旌山川草木知威名潢池桴鼓令不鸣尽归戯下息鬪争维师鹰扬宇宙清指顾号令驱风霆小试擒纵孰敢撓部曲爱戴如父兄太阿龙泉发新硎逆顺之势如建瓴纶巾羽扇寛作程韬略堂堂时俗评乞师未用牛酒迎胷次自有堂上兵奸宄革面输忠诚碧海不复鰐鯢腥细数前辈存典刑烂烂伴月唯长庚歳时建巳岳降灵三奇天运乙丙丁良辰乐事非难并香凝燕寝合鼓笙舞翻流雪歌嘒莺儿孙绕膝奉兕觥安舆防服寿且寧五福共应南极星庞眉鹤骨超錢鏐清都绛阙吞蓬瀛明年正拜居阿衡鑪锤造化推至诚黼藻王度重丹青云龙防遇真千龄羲和日驭无亏盈永佐火德辉炎精

赋漳南李几仲安斋诗

羔豚蒸乳活禽牛口腹造业夸炁羞悦知晚食足当肉一饱何苦多营求先生睡美黑甜处那闻钟鼓朝鸣楼布衾竹枕自稳暖此念灰冷百不忧世间寢食乃日用众生扰扰如蝼蛄昔年我亦走南北往反万里无停辔胷中不作异乡县有似坐阅十数州云山浑如旧过眼歲月不觉春已秋宿君斋屋亦偶尔更仆笑语久未休夜阑各困且打睡明日饥饱临时谋

次韵奉酬楞伽室老人歌寄怀云门佛日兼简乾元老珪公并叙钟山二十年事可谓趁韵也

云门道价倾缁白一去如何絕书尺干竺宗防超隱峰客至不鸣斋后钟杨岐儿孙真铁脊二子等是僧中龙平生我如拆轡线老来要认本来面忆昨二老初相知竹炉拥衲清夜围佛眼霜颅象懶瓚圓悟辨口吞韩非钟山往事无人识我识二子因师得楞伽一句作麼生请问同参俱本色

赠庆绍上人

上人久住湖外游辛亥春陷孔彦舟长沙城中就驱掠七十七日遭拘留眼看杀人等蝼蚁劍血洗尽湘川流张帆方离道林岸鼓枻已过巴陵楼兵纏妖气草木暗火炽凶焰云烟愁衣冠子女半同载俛首悲泣犹惊羞防冲颇諳大风浪舴艋或挂长戈矛两舷矢集閤如雨势欲欹侧争先投相牵浮湛状菱荇乍坠出没真鳬鸥众生流浪几生死爱河苦海何时休曹成马友互屠灭偶尔不杀老比丘枯颅茁发虬虱满得脱性命非人谋孰知贼党亦方便日供斋鉢仍茶瓿南归数年闭户卧故山精舍松飈飈灰心一切本梦幻返照逆照无人牛细听此语重叹息羣盜扫迹夫何忧吾闽目前岂不乐禾稻未获先麦秋师来访我问居士我若访师寻净头

西峡行

西峡门东晚潮上涛头驾风高数丈絕江艇子更扬风水相吞两岸壮中流荡潏思虑深欲济未竟愁夕陰贾客胡商数航海忍死射利诚何心不如遵陆困輿阜九折羊肠复相恼下临湍濑千仞渊胥靡轻生履危道我曹过计常私忧垂堂之戒寧自尤经营一饱亦细事世乱畏涂归罢休少年新进真儿剧浪喜功名不量力杀身无补误朝廷天下英雄古难得

奉送李叔易博士被召赴行在所

君尝手校輿地图上下千载鈔黄朱斯人魁磊岂假此愿见尅复东西都胷中遠略指诸掌表里挂腹撑肠书深知祸起取幽蓟颇觉气王吞青徐眼看僭伪忽亡灭逆党未足劳诛锄万方助顺事可卜火运要是穹苍扶兴衰拨乱戴真主防扫氛祲开云衢于今荆淮付诸将控带川陝襟江湖傥能倒用进筑法更许世袭宏规模两河境土不难办狡寇胆落游魂孤古今徒闻作戎首中国礼义终如初公家自有中兴相雅意泰阶光六符难兄难弟实间出直欲竝驾仍齐驱承明入谒一见决三迁故事登元枢整顿乾坤赖公等我病只合山林居残年正尔甚易与不过二顷邻一区平生故人半廊庙老僧何患无门徒与君痛饮遽成别努力强饭供时须男儿富贵亦细事否泰相反分贤愚酒酣起舞莫作恶行矣自爱千金軀本朝再造旧基业速

拯涂炭疲氓苏勿令毫发有遗恨文章尔雅华国犹其余

拜顏魯公像

吳兴祠堂祀百世凜凜英姿有生意坐令异代干没儿莫敢徜徉来仰视唐家纲纪日陵迟僭
窃相连益昌炽我公人物第一流皇天后土明忠义屹然砥柱立颓波未觉羊肠隳坦履欲回
希烈叛逆心老夫但知朝覲礼年垂八十位太师平生所欠惟死耳死重泰山古所难朽鬼窃
柄犹偷安安知我公本不死汝曹有知当骨寒丰碑法书屋漏雨政与丹青照千古天遣神物
常守防要使乱臣贼子惧

祥符陵老许作先驰归闽因成伽陀赠别绍兴甲戌秋七月书于鹤林山

无量劫来几相见莫话南州与北县居士向来业风吹自合失却本来面今年坐夏在鹤林许
我先驰海舟便三山到日已秋深且看山门骑佛殿

芦川归来集卷二

宋 张元干 撰

五言律诗

次韵唐彦猷所题顾野王祠与霍子孟庙对

兰若黄门像相望博陆居衣冠尘亦暗箫鼓祭全疎草色侵荒迳潮声过夕墟遗风犹可想吊古一觴余

过宿赵次张郊居二首

北客多流落东村更寂寥肯同清夜梦不待故人招月挂荒园竹霜飞独木桥听鸡休起舞且共论天骄莫叹交游晚相期歲月深秋来初识面老去要知心灯火须更仆杯盘取自斟平生王霸术袖手有微吟

次韵奉和平叔亭林至日之什

云物果何好客愁今更新坐来江月白兴在雪篱春我辈且同酌公诗殊出尘莫思淮海上黑帜杂黄巾

花飞

雨暗连兵气花飞防客愁寓居皆野寺相过只扁舟不作新塘去还为后泖游盘飧虽杞菊得饱胜椎牛

送江子我归严陵

久客惊秋晚怀归更送君乱来俱避地老去惜离羣山阁杯浮菊江城鴈度云行行经钓瀨时事不须闻

乱后

乱后今谁在年来事可伤云深懷故里春老尚他乡宁复论秦过终当作楚狂维舟短篱下聊学捕鱼郎

返正

诸将争传檄羣凶尚阻兵天旋黄屋正日转赤墀明丧乱多妖孽经纶贵老成鲸鲵终必戮草木已知生

冬夜有怀柯田山人四首

闻说新居好山樊卜筑深药囊能济物 防少知音四海忧黔首中原尽緑林直须期雪屋夜棹去相寻坐阅干戈扰输公已定居生涯今易足世态莫嗔渠晷短全疎客窓晴好对书故山常入梦何日到吾庐客里了无况乱来何止贫淹留频换歳老大更思亲泥饮思田父供粮乏故人自怜归未得不是白头新雅欲赋招隐何堪吊战场独看星错落久立夜苍茫羽檄来东越风烟隔下塘安闲随处有冠蓋莫相望

登垂虹亭二首

一别三呉地重来二十年疮痍兵火后花石稻粱先山暗松江雨波吞震泽天扁舟莫浪发蛟鳄正垂涎熠熠流萤火垂垂倒饮虹行云吞皎月飞电扫长空壮观江边雨醒人水上风须防风雨过万事笑谈中

送赵公远往建康

王孙朝谒去功业叹流年强项今三已栖迟未九迁笑谈曾撃贼谋畧合临边秋雨长干路归时且着鞭

偶成寄友人

万里天南客三年日至归羣陰虽久否吾道岂终微顾我民称逸如君遯正肥鲸鱼波浪稳云翼有时飞

感事四首丙午冬淮上作

国步何多难天骄据孟津焦劳唯圣主游说尽奸臣再造今谁力重围忌太频风吹迁客泪为洒属车尘血洒三城渡心寒两路兵洛师闻已破陵邑得无惊愤切吞妖孽悲凉托圣明本朝仁泽厚防复见承平戎马环京洛朝廷尚议和伤心闻徇地痛恨竞投戈始望全三镇谁谋弃两河羣凶未殄醢吾合老江波肉食贪谋已几成国与人殊旒轻遗贼玉册忍称臣四海皆流涕三军盍奋身不堪宗社辱一战靖边尘

丙午春京城围解口号

戎马来何速春壕绿自深要知龙凤聚不受虎狼侵九庙安全日三军死守心悦为襄汉幸按堵见于今

漫兴

老苔书题嬾贫营口腹忙未能忘壮志讵肯变刚肠暑短催寒急灯明伴漏长牀头褚衾在不怕满檐霜

奉送富修仲赴南昌尉

吏道虽余事人情要饱谙家风端自守句法有同参南浦翻云浪西山滴翠岚折腰与趋走政恐未能堪

夜宿宗公丈室求诗甚勤为赋五字

林表登层阁秋声隐暮钟鷗归苦竹寺雨闇乱云峯屡乞留新句重来访旧踪松门罕车马似喜老夫逢范才元参议求酒于延平使君邀予同赋谨次其韵

桑落冷筇玉菊篱霜着天飘零河朔饮怅望竹林贤乌有防前辙青州贵下田使君能遣骑端为唤鱼

次韵晁伯南饮董彦达官舍心远堂

今夕知何夕真成累十觴炉薰飘月影蜜炬剪花香政嬾还诗债无从发酒狂故人怜久客舞袖要须长

喜钱申伯病起二首

一室维摩老长年法喜游苦心翻贝叶痴坐写蝇头可是文园病何堪杞国忧我知公健在骨相合封侯花飞伤宿雨山润照清晨念子经时卧嗟予一味贫稍闻疎药餌遐想整衣巾何日扶藜出相陪醉晚春叔易自三呉归同赴竹庵荔子之集二首

惜别梅花雨来归荔子秋江帆成昨梦云峽忽重防共喜身长健宁论客久愁慙慙老居士更为寶峯留客去云俱防山空月正圓不参藤树句自透竹庵禅骨法凌烟像家声鼓瑟篇直须陪叔季急佐中兴年

寄钱申伯二首

子去客昭武今依怀旧防青山浑在眼白髮暗添头旅食今安好归程傥滞留谿边因野步试觅水明楼一防照今古胷中殊了然不妨为漫吏可但号臞僊丹荔盟犹在凝香句未传秋风稍凉冷速办下滩真歇老人退居东庵予过雪峯特访之为留再宿仍赋两诗

云卧孤峯顶斋余闭户眠时容龙象众来说葛藤禅此日输真歇平生最信縁从渠魔起谤把火燙烧天山月转松影涧泉鸣夜 清谈虎溪逺痴坐鹿门庞敌国终亡灭边城合受降晨钟发秋思同梦绕三江

解嘲示真歇老人二首

不作市朝梦生憎城郭居前身真衲子妄念入儒书丘壑无疑老轩裳久已疎世人大屋争笑卖吾庐毁誉何时了鸡虫事可知不妨遭防检好在莫相疑高爵非吾性竒勲任尔为道人元具眼批判亦慈悲

申伯有行色防宿东禅次元韵

真成风雨夜精舍对床眠去住非无数行藏莫问天十年濒瘴海一棹破春烟君自足归兴不妨啼杜防

次折枢留题雪峯韵

轩冕本无意烟霞如有期故人容野老胜饯见新诗谁办兼忘世公当急济时春归仍送别好在出山迟

次韵范才元中秋不见月

不见中秋月长吟五字城浮云有底急清影可怜生残夜四更句故人千里情与君同怅望天上自分明

次吕居仁见寄韵

老去犹为客谁人念退居相望千里路赖有数行书白晒犹堪寄乌牛政忆渠何时闻枉驾竹里唤行厨

次韵刘希顔感怀二首

春光垂老日北骑欲归时王气如三防懽声定四驰山河还旧贯草木有余悲拟颂中兴业孤忠只自知避谤疎毛穎推愁頼索郎坐来春漏促梦去畏途长故国书题冷新诗齿颊香湖山虽好在歲月已相忘郭从范示及张安国诸公酬唱辄次严韵

登楼乘暇日唤客共浇愁春去花犹发陰浓雨未休和诗真冷澹得句总风流能遣西隣老殊无陋巷忧

上张丞相十首

闽粤诸侯地春风尽去思三年歌德政万户绘生祠位极聊方伯谋深必帝师待公安社稷四海被恩私广汉家山远临川道路旁安舆怀故垒同气听甘棠雪后风烟润春归草木香丹心驰魏阙梦想万年觞活国勲奇甚平戎志未衰肯从时论屈自许世人知豹尾遥临镇蝉冠暂祝厘天将擒颡利露布舍公谁百六古今有两宫开辟无兴师诚刷耻奋袂竞捐躯必挟三灵助能令万国孚九宫馘六甲何患五单于扰攘干戈际中原甌太深野心殊叵测内地任频侵日昃那常晦阳生自剥陰德光非不僭终识杀狐林国士多孤愤君侯特长雄玉墀曾复辟铁券防论功宇宙尊文物关山界土风力扶炎运正此意合苍穹袞绣春秋富旂常事业新三迁推孟母一德表商臣任重能知止功成合保身傥容陪几杖同访赤松人贱子居闾里明公总帅权姓名谁比数礼遇每周旋老去无三窟闲中有二天知音何日报愿见中兴年罪放丙午末归来辛亥初不谈天下事犹诵古人书利病明诸掌危疑儆后车他时果无悔载籍定欺予簪绂久已弃行装今甚疲买山如畧办毕娶更奚为小筑开三径躬耕趣一犁頼公霖雨手忍赋语离诗

送李文中主簿受代归庭闱

豹隐犹遮雾鸾栖遂及瓜綠林方在境防服径还家世路久来险人情何用嗟胷中自丘壑乐处是生涯戊辰春二月晦日同栖鸾子送所亲过寶积题壁间

春江因送客云峽更登临精舍经行地征人去住心猿啼清梦断花落晓 陰胜践成三宿俱来此意深

代上张丞相生朝四首

上相生坤位中兴运泰开德威加异域文武属全才南极星躔焕东方骑气来下车逢诞日喜色照罍罍奇勲施社稷万世许忠嘉賓日扶神器回天坐正衙貂蝉戟上袞鼂鼓拥高牙暂屈临闽粤重闻降白麻坤维标厚载任重出宗臣眉宇如虹气仪形似玉人中兴真有相命世必逢辰霖雨聊均逸余波润七闽将相兼文武谦光接下僚輿情争快覩善颂适生朝勲业当兴宋谋猷永佐尧千秋迎壽母忠孝称金貂

李丞相纲生朝三首

炎景生贤佐三朝火王时德威虽敌畏忠莖只天知安国惊何久收功防有期他年调鼎地黄髮属公师【又作去国惊华发为霖在赤墀十年门下士方献此篇诗】

戡乱登廊庙羣公数靖康一身轻去就百口恃安强天意非难见人情漫自凉慙慙酌周斗矍铄更鷹扬希世推英伟行藏孰是非横流曾砥柱袖手且深衣槐影摇黄閣星躔焕紫微山林愚已老袞绣看公归

挽少师相国李公

望表公师位身兼将相权三朝更出入一德奉周旋盍为苍生起曾扶大厦颠何知老賓客拥
簪扫新阡往在东都日伤心丙午年不从三镇割安得两宫迁抗议行营上排奸御榻前英风
成昨梦遗恨落穷边城守麾强弩诸班果翕然云梯攻正急雨箭勇争先中夜飞雷礮平明破
火船如公真徇国绘像冠凌烟壮志深忧国丹心笃爱君谤书兴众枉諫疏在奇勲风咽梁谿
水山悲湛岷云空余防舞鹤鼓吹不堪闻泪尽西州路碑留岷首名买山緣荔子为圃养黄精
所至登临地犹疑步履声堂堂真汉相天忍閤佳城

挽寺丞许子如

盛世黄门嗣轻裘緑髮时伤心来故里刮膜访良医春雨铭旌暗东郊薤露悲人生得意早遗
恨在孤嫠

挽梦锡机宜寺簿

零落梁谿客何堪郑子悲闭门専学易拥鼻爱哦诗臭味方投合行藏罕遇知他年乡饮酒扬
觴想威仪太府坚辞掾平阳顷着功清贫名教乐静退昔贤风俛首稠人里甘心正论中胡然
成鬼録骨相本三公问疾方旬浹殊惊不起传所钦期异日何意遽终天圖籍嗟空富生涯众
漫怜保家宜有后一角傥称贤

挽林天和

叹息宜春守抽簪未乱归不应徒告老要是久知几筑室聊遮雨耘田止疗饥杜门何悔吝牖
下敛朝衣行配古君子齿尊乡丈人傥来名位晚长往诔文新薤露空悲腊刍灵不见春诸郎
无过毁壽考没元身

挽李仲辅三首

画省何心入轺车随分行急难频太息交友旧驰声素月墮江影白鸡悲夜鸣绣衣无复出部
曲把铭旌貌古期惊世心夷合享年交游称长者风味配先贤鴈序飘零地龙门寂寞边不知
谁作诔着意翠珉镌人生真寄尔天问竟悠哉三载重凶衅一门皆异材尚疑书未报遽有讣
先来泪尽余青血秋风万壑哀

彭德器北堂太夫人挽诗

蚤歲嫠居久儒家守志贫白头躬祭祀老眼喜缝纫哭妇无遗恨怜孙不忍嗔一朝违孝养力
疾叫苍旻

刘建州母夫人难氏挽章

慈顏推壽相懿范在吾乡不待黄堂养空遗紫诰藏板輿悲骑省鹤客吊龙骧风卷铭旌去松
冈閼夜长

五言排律

李丞相生朝

柱史生周室仙源谱系崇储星昭昴宿降岳表神嵩间气凭家世宗臣挺祖风梦求终作楫猎
卜果非熊感遇云龙防恩深雨露丰折冲渊圣日辉赫靖康功社稷欹倾际乾坤震荡中力扶
神器正坚守帝都雄割地争三镇回天定两宫壮图期救难大节耻和戎去国孤舟远忧时百
雉空建炎欣翊戴鸿庆袭光融相印机衡重兵权号令通安危繫礼貌进退肯雷同巨屏频循
抚真祠示眷防欢声逢谷旦善颂达苍穹弼亮需元老平章合上公五行推有本六甲混无穷
再造邦基固中兴大运隆保民跻壽域千载简宸衷

张丞相生朝二十韵

鳳歷推炎德宗臣系重轻神开丹宸梦人向紫岩生昴宿秋旻迴坤维玉露清风云符感遇草
木畏威名不有三灵助宁无四海惊大江元帝渡细柳亚夫营劲气吞妖孽深谋厉甲兵天旋
黄屋正日转赤墀明茅土宜班数山河旧着盟济时登袞职命世属阿衡社稷扶持了乾坤整
顿成勲庸多部曲陶冶遍公卿牙帐罗旌棨萱堂合鼓笙诞辰尊壽母善颂及难兄庆积基墉
固源长福祿并欲知貂珥贵倍觉防衣荣象阙锋车召沙堤相印迎指麾烽燧静翊戴泰阶平
老鹤三千歲飞鵬九万程百川浮巨舦快饮吸长鲸

芦川归来集卷三

宋 张元干 撰

七言律诗

次韵送友人过山陰郡时夜别于舟中

草草杯盘灿灿光故人相对水云乡
涛江君去访秦望丘壑我归为楚狂
活国未逢三折臂忧时空转九回肠
絶怜明发成南北梦寐全无夜太长

喜王性之见过千金村

春来书劄已西东喜复相逢乱世中
万事变更唯舌在三年流落转涂穷
云收野寺侵廊水月挂孤防送客风
剩欲留君明日住夜防难得一罇同

次江子我迁居韵

平生自省宜三黜老去何心望九迁
避地湖山聊复尔脱身兵火想当然
浮家泛宅非无计坎止流行本信缘
犹恐惊涛翻四海直须化鹤作飞仙

次赵次张见遗之什韵

海邊游子日思归新句劳君更置规
莫问人间多贝锦正如天上有参旗
寄书只欲凭黄耳去路谁能畏赤眉
定与故巢猿鹤老此生无愧北山移

过云间黄用和新圃

繚池剩欲开花径傍舍先须作草堂
雨后不妨频检校客来留得共徜徉
故园怪我归何晚避地输君乐未央
待得功成方卜筑岂如强健享风光

兰溪舟中寄苏粹中

气吞万里境中事心老经年江上行
三径已荒无蚁梦一钱不直有鸥盟
云收遠嶂晚风熟浪打寒滩春水生
鸿鴈北飞知我意为传诗句濮阳城

别绶老

无端流落迫残年三十南山访老禅
未契安心了难觅不如同世且随縁
频移竹几负寒日旋

拾松梢炊晚烟珍重孤云出山去东西南北一青天

次江子我闻角韵

夫差故国萦寒水铁马南来忽振缨城上昏鸦争接翅舟中逐客谨逃名悲笳怨处风微起浊酒醒时梦易惊飘泊似闻山寺近真成夜半听钟声

次韵奉呈公泽处士

屏迹苕溪少往还时危尤觉故人欢相期腊尽屠蕪酒速享春来苜蓿盘雪夜剧谈烽火急风江絶叹铁衣寒何年塞上烟氛静薄海苍生庆义安

次友人寒食书懷韵二首

往昔升平客大梁新烟然烛九衢香车声驰道内家出春色禁沟宫柳黄陵邑祗今非汉土衣冠谁复问唐装伤心寒食当时事梦想流鶯下苑墙

孤生投老急菟裘万里云山已勸游共喜石交逢异县更陪防笔赋春愁无心俯仰犹多事与世浮湛已拙谋冷雨吹花作寒食三杯软饱且眠休

访亲于连江因过筠溪叩门循行叹其荒翳不治有懷普现居士口占此章

筠庄主人何未归溪畔长林穿翠微此去功名时欲至个中车马迹全稀茅茨漏从蜗涎篆篱落欹多蛛网围公肯借庵容我老为公朝夕扫柴扉

奉同公直圯老过应夫石友斋

王郎胷次郁峥嵘凿牖开轩不浪名疾世政须论石友絶交今已见方兄我曹自笑真同病吾道谁当为主盟但得此心如此老故人宁复负平生

宫使枢密富丈和篇高妙所谓压倒元白末句许予尤非所敢承谨用前韵叙谢

脩门一出十经春相业时来自奋身袖手深谋终活国挥毫佳句且惊人话言每许闻前辈賓客何堪接后尘待扫欃枪洗兵马两翁元语记天津

子立昆仲垂和游天宫诗既工且敏义不虚辱再此见意

华裾緑髮等青春诗似机云定后身家学乃翁真具眼祖风当代岂凡人字中仙爪便搔痒句里灵犀解辟尘万壑争流君看取西兴从此是通津

端常观察被防入蜀迎母夫人所得赠行诗文成巨轴矣临别亦辱见索匆遽中愧乏好语掇拾诸公余意勉成四韵

髻髭分携防见春它时有恃独常颺何期万里漂零后忽报三巴信息真素髮轻安膺晚福遠懷悲喜望征人王孙盛事今双美及早归来奉紫宸

次韵文老使君宗兄见赠近体佳什两篇仆与公别四十余年一旦邂逅情着于辞

使君元自锦官来百丈重寻灩濑回化阅行年如伯玉心成全德过王骀把麾政尔人生贵持橐终期间世才莫问桃花今老矣刘郎去后任渠栽

旧游兰若尽英才坐上高谈亦壮哉老去语音虽记忆众中容貌各惊猜津亭夜雨故人少樽酒灯花乡信来茂苑相逢话京洛桤楼犹喜待春回

冬夜书懷呈富枢密

耳聋无用问新闻矫首何妨目作昏痴絕已甘投老境背驰宁受乞怜恩难陪年少从渠薄赖得春回为我温京洛交游频检校渡江今有防人存

次韵赵元功赠李季言之什

赤县飘零未易逢那知今夕一樽同好招明月共清影托与白云行太空懔懔旧游如隔世蹉跎壮志莫论功两公秉烛还相对情话从渠半醉中

次韵元功才友道中见贶因以解嘲

当时勇决径归休更有人愚似我不何许置锥宁免累直须毕娶始无忧频遭白眼伤流俗谁向青门念故侯客里题诗相慰藉君椽笔合螭头

奉送晁伯南归金谿

君家诸父多人杰半是平生亲旧间莫话故园空矫首相従逆旅足开顏文元勲业金瓯字昭德风流玉笋班此去腾骧吐虹气何由来伴老夫闲

奉简才元探梅有作兼懷旧游

遮莫胡僧问劫灰且陪东阁赋官梅春梢惯识宫妆樣花信偏随驿使回痛饮我曹身总健浩歌谁怕老相催疎枝气压羣芳尽羞杀墙陰锦被堆

才元思如涌泉愈和愈好晨兴遣骑扣门披衣疾读走笔再酬严韵

阳和生发验葭灰但见江梅欠蜡梅风味向人忘冷落歲寒乘月重徘徊從來对酒遭花恼何独题诗被雨催公子唾珠无限思更看铁画写离堆

奉酬才元席上所赋前韵

夜饮华堂烛屡灰暗香浮处数枝梅坐中一笑对三粲客里此欢能防回醉后不知歌扇去归时还是晓钟催露浓月白溪桥路但记羣山翠作堆

冬夜痴坐似闻才元作集有日矣因和前韵奉呈

拥炉书帙易尘灰览古临窓独对梅未寤径须呼子慎常奴何得比方回虚名到底将安用能事从来不受催似许相过陪客醉胷中那复有愁堆

游东山二咏次李丞相韵

寒木高萝防曲溪断碑零落卧荒祠澄潭想像云头涌悬瀑依稀 脚垂地轴漫烦龙虎战天符那得鬼神私茫茫造物殊难晓要是为霖自有时

右鱣溪

公如谢傅暂闲身我亦归来效季真山屐数陪销暇日诗篇常许和阳春虚懷寄傲三休外洗眼旁观万态新谷口榴花解迎客骑鲸端为谪仙人

右榴花谷

留寄黄檗山妙湛禅师

晨发芑城越数峯我来师出失从容白云遮日蔽秋寺青嶂闻猿惊暮钟世乱可无闲地隱山深偏觉老僧慵他年芋火谈空夜雪屋松窓约过冬

用折枢韵呈李丞相二首

参陪仍许瘦筇支长者登临敢后期钟断白云飞雨过月生青嶂夜凉时心知胜地都忘睡喜听连牀共和诗莲社风流增荔子余生长健更何为

莫问蒲萄出月支不缘瓜枣访安期轻红满地人慵扫空翠霑衣雨足时松防晴泉听落涧蝉嘶晚吹助裁诗公乎此去归廊庙无用山中怨鹤为

再和李丞相游山

海山幻出化人宫，楼观新崇万指容。
云雾入檐银色界，藤萝昏妙高峯放懷从。
已参黄檗雅志无疑，伴赤松欲去更闻狮子吼。
忘归桥下兴犹浓。

次钱申伯游东山韵二首

东麓坡陀尽梵宫，我来泉上照衰容。
解衣又作茶瓜客，倚檻同看烟雨峯。
何用苦吟凌鲍谢，要须高节配乔松。
海冰永閤锥沙画，絶叹故人遗墨浓。

扫榻开轩走寺宫，吾曹终日得从容。
夕阳初落鱣溪路，云气半遮狮子峯。
试问丹砂回白髮，何如瀑布煮枯松。
暮年纵有壮心在，归意已胜山色浓。

次韵钱申伯游东山既归述懷之章

山人不省大明宫，懷昔幽寻自改容。
庐阜东西二林寺，钱塘南北两高峯。
百年有尽云归壑，万事无邊月挂松。
满院苍苔重到日，秋光欲滴向人浓。

哭邹德从二首用前韵

出守真成梦蚁宫，天台云色亦愁容。
时来盍锡万钉带，仙去俄归羣玉峯。
川上可惊如逝水，歲寒徒有后凋松。
烦将老眼银河泪，共洒西风絮酒浓。

穷達那知十二宫，由来与世不相容。
乃翁极諫牵龙袞，百谪同愁割劒峯。
前辈品题推玉树，平生忧患挺苍松。
伤心身后夸君赐，泉路恩光底事浓。

再用前韵哭德从

女无美恶妬深宫，盛德如公果不容。
何遽盖棺临禹穴，未应藏骨在秦峯。
论文平日樽中酒，挂劍它年冢上松。
防检交亲祗解少，存亡悲感老情浓。

再用前韵重哭德从贤使君

风撼棠梨对殡宫，中郎谈笑孰形容。
不居上界神仙府，当在补陀孤絶峯。
至论每符磁石铁，长生空问茯苓松。
九原可作还知否，底处返魂香最浓。

与富枢密

和气従容一笑春，如公今是暂闲身。
伊蒲饌设无多客，蓍卜花繁正恼人。
已遣炉熏通鼻观，更

分茗盃瀹心尘僧房长夏宜幽僻杖屨频来愿问津

止戈堂

譙門直北望燕山乙巳年来例破残可但中原仍祸结谁令东粤独偷安西师有请君侯力南顾无忧圣虑宽恶少至今犹胆落云台须入画图看

八州贤牧喜休兵千骑重来竹马迎万瓦连甍存比屋十年回首赖长城举觞谈笑精明甚缓带登临步武轻多是门墙旧賓客愿公黄髮佐升平

次友人书懷

此生无意入修門犒饱鸡豚短褐温卜筑几椽临水屋经营数畝傍山园酒杯賸喜故人饮书帙能遮老眼昏身世颇同猿择木功名谁问鹤乘轩

肠断春风杨柳花中原何日再京华将军未报歌三箭乐府徒传舞两娃防见敌营如竹破不应淮甸又兵加频年寒食常为客强索芳樽乐有涯

布谷催春惜雨干白鷗江上未盟寒且倾客子醪醺酒共享先生苜蓿盘我已悬车羞公当鸣佩称珊珊休文才思虽多病可是空吟红药防

和杨聰父闻雨书懷

坎防如公莫怨天谪居端是坐无氊时来要自有归路客散不妨频醉眠云气从能浮蜃屋雨声殊未透田回思风雪围炉夜何处联裘拥木绵

筠谿居士跳出随顺境界把住放行自在神通纵横妙用已是摸索不着妙现老子犹眨句中眼可谓善知识用心谨次严韵上呈

珍重筠谿旧主人我知明水是前身如何一念初无过便有多生未了因止酒褰襦成厌杂逃禅槌拂要比隣云居嫡子重拈出流布诸方此话新

次韵聰父见遗二首

十年迁客北归时旁海相逢叹渺弥枝上烟光忙蛺蝶尊中风味夺醪醺老来诗思真枯井别后心情似乱丝喜故将军殊矍铄家山小筑未为迟

鸡屿洋邊桃李秖岸沙遮海暮云重乘槎我自犯牛斗掘狱谁何藏劒锋世路肯遵前覆辙交游谁识后雕松此生但得长相见一笑能轻禄万钟

次聰父见遺韵

拙速还知胜巧迟男儿功业要逢时不妨唾面辱高马似有泥坑规病防老去尚堪苏子印兴来须到习家池此心毕娶无余事且向春江理钓丝

李丞相纲生朝三首

梁谿万折必流东间气英姿叶梦熊出入三朝推大老险夷一节合苍穹守關虎豹徒窥闯得雨蛟龙定长雄衮绣未归聊袖手不妨闲作黑头公

将坛丙午赞亲征相印元年佐圣明贼子乱臣俱破胆皇天后土实同盟扶持更系民休戚进退元知势重轻舍我其谁公健在乞身赢得见升平

济世功名肯力为风云遇合贵逢时欲知辟谷师黄石便是扁舟号子皮后进忌能逾日月敌人用间果著 福城东际笙歌地且祝千龄醉荔支

代上折枢彦质生朝二首

天扶王室挺生申瑞啓中兴社稷臣樽俎折冲常自任庙堂康济更何人秋风玉帐军容肃冷月铃斋夜宴新愿扫妖氛开壽域衮衣端为转洪钧

秋水为神吉梦随上公冠佩俨朝仪风云感遇千龄防日月依光四海知笔阵词锋明藻色龙韬豹略系安危顽金从此归鑪锤歲歲門防献壽诗

福帅生朝二首

玉帐生朝香雾飞秋风欲到碧梧枝回思十载折冲地还镇八州安静时淇澳防须歌綠竹渭濱犹待猎非罟止戈堂上多珠履争献庞眉春酒诗

金貂赫奕照来仍雅意诸郎以壽称矍铄仪形千歲鹤扶搖风力九霄鵬黄云防防人皆醉丹荔芳敷俎正登请看君侯高阁宴层梯无用一枝藤

叶少蕴生朝三首

绛节霓旌下九天括苍初识地行仙桃华海上三千歲凤曆人间五百年可但彤弓寻节制要知黔首望陶甄香凝燕寝森兰玉防见貂冠总附蝉

綠髮翱翔翰苑春升平三辅已朱轮诗成山谷句中眼名应石林天上人耆旧政须廊庙具蕃宣聊寄股肱臣生朝賸欲为公壽醉里苹花度曲新

元戎玉帐凜霜威谈笑何妨羽扇挥平日丹心驰象阙长年防服奉慈闱谁无五马人生贵独有三奇命世稀志在麟经成事业颇闻天子诏公归

题企疏堂

出处当师汉大夫立朝常拟赋归欤赐金端为供行乐燕客犹疑是送车欲识呉门重解组要符潭府向移书闻知賸有闲风月宅相须留待小疏

左举善人物高妙才具敏特要当为世用而乃防孥抚孤以不二价从事丹壶中其胷次詎可窥耶一日出示诸公篇轴邀老夫同赋义不可辞

小隱丹壶时凭栏它年兴在跨黄斑不妨游戯橘中乐政尔经营湖上山谁识胷懷容万顷聊将身世寓三间故人有子犹流落我辈逢渠转厚顏

病中示彭德器

老病无堪正坐贫交游相见赖情亲从渠造物小儿戏不碍维摩老子神三顾九迁成底事一区二顷合由人君侯论议高千古略假毫端问大钧

挽李丈然明

眼看流辈上青云拂袖归来昼掩门心计岂容生事拙时名长与故山存不妨开径栽花卉政复藏书遗子孙八十光陰无可恨聊歌楚些为招魂

再次前韵即事

太一游行遍九宫世间无地可寬容坤维莫傍劔门阁衡岳何依天柱峯晚柱傥能回赵壁思鲈安用过呉松羣羊竞语遽如许欲息兵戈气甚浓

再用韵奉留聰父

长饥方朔笑侏儒歳晚还惊大小余客里论文聊把酒闲来防面胜通书薄寒欺醉悲清夜孤月流光怅碧虚何苦相逢又相别不如供米寓僧居

辛酉别杨聰父

春风着意送将归为赋清江落日低惜别更留烹玉鲙寓居长记对青猊家山彼此归心速岐路东西客梦迷重把一樽成怅望莺啼綠暗草凄凄

次韵陈德用明府赠别之什

人欺季子 貂裘谁信班生万里侯小隱故山今去好中原遺恨防时休春争殘腊寒梅早雨
溼晴冬宿麦忧老眼相看炯无语浊醪何日更浇愁

希道使君弭节合沙馆奉太夫人游鼓山乃防封示所和梦锡贈行佳句輒次严韵少叙別懷

淮海元龙公輩流何劳老手鎮方州雍容行色自登覽邂逅故人仍倡酬眼界蚤惊云子熟官
期能为荔枝留臨分莫話中原事想見家山只夢游

希道使君入山再有佳句見及复次元韵因簡老禪

古澗寒泉可枕流从渠庚伏在炎州杖藜端欲事幽討杯酒未容相劝酬坐上纵无居士客山
間聊为老禪留臨沧亭外忘归路他日逢君望旧游

芦川归来集卷四

宋 张元干 撰

五言絕句

龙眠墨梅

江南一枝春歲久暗香灭怪得深夜寒荒村映残雪

歲寒三友图

苍官森古鬣此君挺刚节中有调鼎姿独立傲霜雪

墨菊

老眼惊花暗斜枝落纸愁晚来闻冷雨幻出一篱秋

六言絕句

次韵王性之题篠丛枯木

莘确有岱华势轮囷无斤斧痕我来翻君古锦老眼洗尽眵昏

七言絕句

上平江陈侍郎十絕【并序】

先生儒门老尊宿也立朝行已三十年间坚忍对峙略不退转直与古人争衡自有清议不复
贊叹顷在宣和庚子年获拜先生于南康留山中者久之防跋大父手泽某佩服训诲自知无
用辛亥休官忽忽二十九载行年七十矣日暮涂遠恐惧失坠辄追记平昔所得先生话言裁
为十絕句书以献于苏州使君待制公克肖以是谨守一家法庶几流传不泯俾天下后世尊
其所闻常仰之如泰山北斗则小子与有荣焉

了堂先生古遗直贬剥私史專尊尧二蔡怀奸首【首一作力】排击始终大节不同朝

灼见祸机寧有死剖心立敌肯忘言向来逆料无遗恨彻底孤忠抱至冤

前贤一节皆名世此道终身公独行每见遗编须掩泣晚生期不负先生

南荒百谪愈不屈便道忽闻天遣来
峩帽焚香姑拱立果无片楮可成灾【此事实亲得于先生其說如此】

酒酣怒发上冲冠四十年前庐阜南
杖履周旋痛开警为言小子颇尝参

英灵精爽平生话尚记先生苜蓿槃
僊去星辰终不灭至今梦想骨毛寒

功名啐啄与时同譬似青天白日中
不觉片云随雨雹适从何处运神通【先生尝云丈夫建立功名要当坐进此道】

常佩了堂一则语睢阳举似刘潞州
大期不复见丙午二老信然成古丘【先生尝委達意于器之待制刘公云】

先生许可能尊祖词采今存干蛊身
碑版灿然垂世誉要知忠肃有门人

伤心顷拜公牀下一气飘零余几人
七十衰翁谁信及话言端欲广书绅

甲戌正月十四日书所见来日惊蛰节

老去何堪节物催放灯中夜忽奔雷
一声大震龙蛇起蚯蚓虾防也出来

走笔次廷藻韵二絕

风雨声中过半春泥深郊水阻游人
老夫不出浑闲事但觉年来白发新

小蘓一物絕风流竹杖芒屨爱讨幽
招隱归来吐佳句何时一笑共重游

高尚居士

卜室高垣桑柘邊空中来往尽飞仙
似闻一举三千里更待成功上九天

往在澶渊过我家自怜凡骨走天涯
丹青始识先生面防化何时一粒砂

祖穎漕使希道使君以絕句相酬答
聊成二章解嘲并发一笑

从渠冷蘤篱邊少未放浮蛆瓮面空
高烛几时催夜饮隔帘度曲也英雄

薰炉玉暖云生岫晓鉴鸾窥翠扫空
未许尊前听金缕两公新句漫争雄

次韵奉送李季言四首

向来敌帅窥呉越穩泛楼船舍骑兵开辟所无顛倒事可能今日独横行
藩鎮各传新号令山河那复旧提封归时賸语骑鲸老坚卧无如涧底松
几年脱迹冠冕窟一味偷生兵火中不见君家好兄弟何人怜我最奇穷
我辈避防过避贼此行能饱即须归山川久有眞消息世上从渠闲是非
范才元道中杂兴

遐想呉门人姓梅高踪千古共徘徊橘中恍有商山乐不必胡僧问劫灰
山晚江寒春雨踈比来消息定何如竹輿行勸异乡县頼得金楼引睡书
防处烟林飞伯劳春生诗思賸摇毫归来準拟扶头醉日射花梢三丈高
君家鼻祖大范老气压贺兰威鳳鸣文采风流今未泯耳孙胷次似水清
名姓未能随老变政须卜宅近前峯看君决防上封事揽取奇勲铭鼎钟
圆通秀禅师送逊公首座赴明水请【元丰二年也逊乃闽清黄氏子】
卷衲和云离五老 分三峡济临川兴波作浪从风鼓莫学世流空度缘
伽陀二首送了可首座归四明

浄因曾识楷山东担板因缘古佛风后代儿孙仰孤硬能超五位见芙蓉
问讯天童今老子偶同庚甲事如何他时要向山中去容我一庵遮薜萝
病起枕上口占三絶句奉呈公实峽之贤伯仲一笑

天上寶 无尽藏向来密赐被先王自怜门下老宾客燕寝饱曾闻妙香
素馨茉莉及珉瑰清馥浑同雪里梅六入不分初病起眼前欠此共裴回
海外緑洋来万里齐驱黎母鷓鴣斑肯分种种篋中富不用公家金博山

题忠上人墨梅

寒梢的皪防昏鸦雪后风前皎月华
结习未除羞老眼更看淡墨幻空花

岷山万松图

叠嶂连娟入翠微乔松蔽日有孙枝
江流不尽松声远云栈行人力困时

江梅

密雪飞花万木僵南枝的皪待朝阳
还知百果输先手政为孤根压众芳

菊

秋风着意菊丛黄不怕东篱五夜霜
曾记南阳饮潭水要令道骨合仙方

桂井

移根一户蟾光溢分派银河地
灵定与苏僊双橘井他年续入酈元经

觥觥斋

人间日日有风波不系虚舟奈若何
袖取平生济川手行藏终与尔同科

麦秋亭

东坡喜雨事如此吾舅名亭思不羣
不问两岐何许秀且看十顷卷黄云

题独爱轩

此君风味极不浅户外俗人来未曾
老石寒藤同一笑我知公是在家僧

寄题悠然阁三絕句

林端结阁小跻攀四面岚光绕曲栏
佛法本来南北异个中北望见南山【此阁面北却有南山景】

登临巧处属僧家随分生涯度歲华
莫待藤萝满山月时来倚杖数昏鴉

谁标此阁作悠然万事无非信手拈
参得东篱把菊意不妨老逵引陶潜
跋赵唐卿所藏访戴图

万壑千岩一剡溪漫天云冻雪风飞人踪鸟迹俱沉絕
独有扁舟兴尽归
王孙胷次足丘壑幻出山陰访戴图草屋柴扉闭风雨客来空去得知无
跋东坡木石

玉局老仙天下人平生爱与石传神
长江絕岛风涛里千古常令墨色新
题六代祖师画像

一苇浮江双履归花开震旦共传衣
本来心印无文字画到卢能足是非
吕公像

巾裹唐装本布衣平生唯识一钟离
此中养得婴儿就世上行尸有许悲
秋空一劒岳阳楼醉里乾坤日夜浮
五百年间兴废事不知谁是赤松游
潇湘图

落日孤烟过洞庭黄陵祠畔白苹汀
欲知万里苍梧眼泪尽君山一防青【按此诗据艇斋诗话增】

芦川归来集卷五

宋 张元干 撰

词

贺新郎【送胡邦衡待制赴新州】

梦绕神州路。怅秋风、连营画角。故宫离黍。底事昆仑倾砥柱。九地黄流乱注。聚万落千村狐兔。天意从来高莫问。况人情老易悲难诉。更南浦、送君去。凉生岸柳催残暑。耿斜河、疏星淡月。断云微度。【一作雨】万里江山知何处。回首对床夜语。雁不到、书成谁与。目尽青天怀今古。肯儿曹恩怨相尔汝。举大白、唱金缕。

前调【寄李伯纪丞相】

曳杖危楼去。斗垂天、沧波万顷。月流烟渚。埽尽浮云风不定。未放扁舟夜渡。宿雁落寒芦深处。怅望关河空吊影。正人间、鼻息鸣鼙鼓。谁伴我、醉中舞。十年一梦扬州路。倚高寒、愁生故国。泪溅唾。要斩楼兰三尺。劔遗恨、琵琶旧语。漫暗澹、【一作拭】铜华尘土。唤起谪仙平章防过苕溪尚许垂纶否。风浩荡、欲飞【一作轻】举。

满江红【自豫章阻风吴城山作】

春水迷天。桃花浪、防番风恶。云乍起、远山遮尽，晚风还作。绿卷芳洲生杜若。数帆带雨烟中落。傍向来、沙嘴共停桡。伤飘泊。寒犹在，衾偏薄。肠欲断，愁难着。倚篷窗、无寐引杯孤酌。寒食清明都过却。最怜轻负年时约。想小楼、终日望归舟。人如削。

兰陵王【春恨】

卷珠箔。朝雨轻阴乍阁。阑干外、烟柳弄晴，芳草侵阶映红药。东风妒花恶。吹落梢头【一作枝】嫩萼。屏山掩、沉水倦熏。中酒心情怕杯勺。寻思旧京洛。正年少、恣狂歌笑。迷着障泥油壁。催梳掠。曾驰道、同载上林携手。灯夜初过。早共约、又争信、飘泊。寂寞念行乐。甚粉淡衣襟，音断琼枝璧月。春如昨。怅别后、华表那回。双鹤相思，除是向、醉里暂忘却。

前调

绮霞散空碧留晴。向晚东风里。天气困人时节。秋千闭深院。帘旌翠波颭。牕影残红一线。春光巧。花脸柳腰勾引。芳菲闹。鸂燕闲愁费消遣。想蛾绿轻晕。鸾鉴新怨。单衣欲试寒犹浅。羞衾凤空展。塞鸿难托。谁问潜宽旧带。眼念人似天远。迷恋画堂宴。看最乐。王孙浓艳。争劝兰膏。宝篆春宵短。拥檀板低唱。玉杯重暖。众中先醉。漫倚檻。早梦见。

念奴娇

江天雨霁正露荷擎翠风槐摇绿试问秦楼今夜里愁到防干防曲笑撚黄花重题红叶无奈
归期促暮云千里桂花初绽寒玉 有谁伴我凄凉除分付与杯中醺醪水本无情山又远回首
烟波云木梦绕西园魂飞南浦自古情难足旧游何处落霞空映孤鹜

前调【丁卯上巳燕集叶尚书蕊香堂赏海棠即席赋之】

蕊香深处逢上已生怕花飞红雨万防胭脂遮翠袖谁识黄昏凝伫烧烛呈妆传杯绕槛莫放
春归去垂丝无语见人却似羞妒 修禊当时今日羣贤 管里英姿如许寶曆罗衣应未有许多
阳台神女气涌三山醉听五鼓休更分今古壶中天地大家着意留住

前调【代洛滨次石林韵】

吴淞初冷记垂虹南望残日西沉秋入青防三万顷蟾影吞尽湖阴玉斧为谁冰轮如许宫阙
想寒深人间奇观古今豪士悲吟 苍弁丹颊仙翁淮山风露底曾赋幽寻老去专城仍好客时
拥歌吹登临坐揖龙江举杯相属桂子落波心一声猿啸醉来虚籁千林

前调【题徐明叔海月吟笛图】

秋风万里湛银潢清影冰轮寒色八月灵槎乘兴去织女机边为客山拥鸡林江澄鸭绿四顾
沧溟窄醉来横吹数声悲愤谁测 飘荡贝阙珠宫羣龙惊睡起冯夷波激云气苍茫吟觝处鼉
吼鲸奔天黑回首当时蓬莱方丈好个归消息而今图画漫教千古传得

前调【翫月】

寒绡素壁露华浓羣玉峯峦如洗明镜池开秋水净冷浸一天空翠荷芰波生菰蒲风动惊起
鱼龙戲山河影里十分光照人世 谁似老子痴顽胡牀欹坐自引壶觴醉里悲歌歌未彻屋
角乌飞星坠对影三人停杯一问谁解骑鲸意玉京何处翠楼空鎖十二

前调【己卯中秋和陈丈少卿韵】

垂虹望极埽太虚纖翳明河翻雪一碧天光波万顷涌出广寒宫阙好事浮家不辞百里俱载
如花颊琴高双鲤鼎来同醉孤絕 浩荡今夕风烟人间天上别似寻常月陶冶三高千古恨赏
我中秋清节八十仙翁雅宜图画写取横江楫平生奇观梦回犹竦毛髮

石州慢

寒水依痕春意渐回沙际烟濶溪梅晴照生香冷蕊数枝争发天涯旧恨试防防许消魂长亭

门外山重叠不尽眼中青是愁来时节 情切画楼深闭想见东风暗消肌雪辜负枕前云雨樽前花月心期切处更有多少凄凉慙慙留与归时说得到得再相逢恰经年离别

前调【己酉秋吴兴舟中作】

雨急云飞惊散暮鸦微弄凉月谁家疎柳低迷防防流萤明灭夜帆风驶满湖烟水苍茫菰蒲零乱秋声咽梦断酒醒时倚危檣清絶 心折长庚光怒羣盗纵横敌人猖獗欲挽天河一洗中原膏血两宫何处塞垣抵隔长江唾壶空击悲歌缺万里想龙沙泣孤臣吴越

永遇乐【宿鸥盟轩】

月仄金盆江紫罗带凉飈天际摩诘丹青营丘平远一望穷千里白鸥盟在黄粱梦破投老此心如水平无眠披衣顾影乍闻绕堦络纬 百年倦客三生习气今古到头谁是夜色苍茫浮云灭没举世方熟寐谁人着眼放神八极逸想寄尘寰外独凭防鸡鸣日上海山雾起

前调【为洛濱横山作】

飞观横空众山绕甸江面相照曲檻披风虚檐挂月据尽登临要有时巾屨访公良夜坐我半天林杪揽浮丘飘飘衣 相与似遊蓬岛 主人胜度文章英妙合住北扉西沼何事十年风洒露沐不厌江山好曲屏端有吹箫人在同倚暮云清晓乘除了人间宠辱付之一笑

八声甘州【陪筠翁小酌横山阁】

倚凌空飞观展营丘卧轴恍移时渐防云防缀参横斗转野濶天垂草树萦回岛屿杳霭数峯低共一樽明月顾影为谁 俛仰乾坤今古正嫩凉生处浓露初霏据胡牀残夜唯我与公知念老去风流未减见向来人物防兴衰身常健何妨遊戲莫问栖迟

前调【西湖有感寄刘晞顔】

记当年共饮醉画船摇碧冒花钗问苍顔华髮烟蓑雨笠何事重来看尽人情物态冷眼只堪哈赖有西湖在洗我尘埃 夜久波光山色闲澹妆浓抹冰鉴云开更潮头千丈江海两崔嵬晓凉生荷香扑面洒天邊风露逼襟懷谁同赏通宵无寐斜月低回

水调歌头【同徐师川泛太湖舟中作】

落景下青嶂高浪卷沧洲平生颇惯江海掀舞木兰舟百二山河空壮底事中原尘涨防乱防时休泽畔行吟处天地一沙鸥 想元龙犹高卧百尺楼临风酹酒堪笑谈话覓封侯老去英雄不见惟与渔樵为伴回首得无忧莫道三伏热便是五湖秋

前调【和芑林居士中秋】

闰余有何好一歲两中秋滕王高阁曾醉月涌大江流今夜钓龙台上还是当时逢闰佳句记
英游看山兼看月登阁复登楼别离久今古恨大刀头老来常是清梦宛在旧神州遐想芑林
风味瓮里自倾春色不用贯貂裘笑我成何事搔首漫私忧

前调【陪福帅防集口占以授官奴】

缥缈九重阁壮观在人间凉飈乍起四围晴黛入防干已过中秋时 便是菊花重九为寿一
樽欢今古登高意玉帐正清闲引三巴连五岭控百蛮元戎小队旧遊曾记并龙山闽峤尤寬
南顾闻道天邊雨露持橐诏新颁且拥笙歌醉廊庙更徐还

前调

平日防经过重到更防连黄尘乌帽觉来眼界忽醒然望见如云秋稼莫问鸡虫得失鸿鹄下
翩翩四海九州大何处着飞仙吸湖光吞蟾影倚天圆胸中万顷空旷清夜炯无眠要识世间
闲处自有樽前深趣且唱钓鱼船调鼎他年事妙手看烹鲜

前调

雨断翻惊浪山暝拥归云麦秋天气聊泛征棹泊江村不羨腰间金印却爱吾庐高枕无事闭
柴门搔首烟波上老去任乾坤白纶巾玉麈尾一杯春性灵陶冶我輩犹要个中人莫变姓名
吴市且向渔樵争席与世共浮沉目送飞鸿去何用画麒麟

前调

露下菱歌远萤傍藕花流临溪堂上望中依旧柳邊洲晚暑冰肌沾汗新浴香绵扑粉湘簟月
华浮长记开朱户不寐待归舟恍重来思往事搅离愁天涯何处未应容易此生休莫问吴霜
防鬓细与蛮牋封恨相见转绸缪云雨阳台梦河汉鹊桥秋

前调【癸酉虎丘中秋】

万里冰轮满千丈玉盘浮广寒宫殿西望湖海冷光流扫尽长空纖翳散乱疎林清影风露迫
人愁徐步行歌去危坐【阙】眠休问孤篷缘底事苦淹留倦遊回首向来云卧两星周此夜
此生长好明月明年何处归兴在南州老境一伧父异县四中秋

前调【赠汪秀才】

袖手看飞雪高卧过残冬飘然底事春到先我逐孤鸿挟取笔端风雨快写胸中丘壑不肯下

樊笼大笑了今古 乘兴便西东 一樽酒知何处又相逢 奴星结柳与君同送 五家穷好是橘封 千户正恐楼高百尺 湖海有元龙 目光在牛背马耳射东风

前调

今夕定何夕 秋水满东瓯 悲凉怀抱何事还倍去年愁 万里碧空如洗 寒浸十分明月 卷玉波流 非是经年别 一岁两中秋 坐中庭风露下 冷飕飕 素娥无语相对 樽酒且迟留 琴罢不堪幽怨 遥想三山影 外人倚夜深 楼矫首望霄汉 云海路悠悠

前调【为赵端礼作】

最乐贤王子 今岁好中秋 夜深珠履举杯相属 尽名流 宿雨乍开银汉 洗出玉蟾秋色 人在广寒游 浩荡山河影 偏照岳阳楼 露华浓 君恩重 判扶头 霓旌星节已随丝管下 皇州满座烛光花艳 笑罨乌巾同醉 谁问负薪裘 月转檐牙晓 高枕更无忧

前调【追和】

举手钓鼇客 削迹种 侯重来 吴防三伏行 见五湖秋 耳畔风波摇荡 身外功名飘忽 何路近 螭头孤负 男儿志 怅望故园愁 梦中原 挥老泪 遍南州 元龙湖海豪气 百尺卧高楼 短发霜黏两鬓 清夜盆倾一雨 喜听瓦鸣沟 犹有壮心在 付与百川流

前调【罢秩后漫兴】

放浪形骸外 憔悴山泽癯 倒冠落佩 此心不待白髭须 聊复脱身鹓鹭 未暇先寻水竹 矫首汉廷疏 长夏啖丹荔 两纪傲闲居 忽风飘 连雨打 向西湖 藕花深处 尚能同载麴生无 听子谈天舌 本浇我书空 胷次醉卧踏水壺 毕竟凌烟像 何似辋川图

前调【丁卯春与钟离少翁张元鉴登垂虹】

拄策松江上 举酒酹三高 此生飘荡 往来身世两徒劳 长羨五湖烟艇 好是秋风鲈鲙 笠泽久蓬蒿 想像英灵在 千古傲云涛 俯沧波 吞空旷 恍神交 解衣盘礴 政须一笑属吾曹 洗尽人间尘土 扫去胸中冰炭 痛饮读离骚 纵有垂天翼 何用钓连鳌

前调【送吕居仁召赴行在所】

戎马蹂中夏 星历一周天 干戈未定 悲咤河洛尚颠连 万里两宫无路 政仰君王神武 愿数中兴年 吾道尊洙泗 何暇议伊川 吕公子 三世相 在凌烟 诗名独步 焉用儿辈更毛笺 好去承明说论 照映金絨带 稳恩与荔枝偏 回首东山路 池阁醉双莲

风流子【政和间过延平双谿阁落成席上赋】

飞观插雕梁 虚起缥缈五云乡对山滴翠岚两眉浓黛水分双 满眼波光曲栏外汀烟轻冉冉莎草细茫茫无数钓舟最宜烟雨有如图画浑似潇湘使君行乐处秦筝弄哀怨云鬓分行心醉一缸春色满座凝香有天涯倦客罇前回首聴彻伊州恼损柔肠不似碧潭双劒犹解相将

鱼游春水

芳洲生苹芷宿雨收晴浮暖翠烟光如洗防片花飞防泪清镜空余白髮添新恨谁传红绶寄溪涨岸痕浪吞沙尾老去情懷易醉十二防干慵遍倚双鳬人惯风流功名万里梦想浓妆碧云邊目断归帆夕阳里何时送客更临春水

寶鼎现【筠翁李似之作此词见招因赋其事使歌之者想像风味如到山中】

山庄图画锦 吟咏胷中丘壑年少日如虹豪气吐鳳词华浑忘却便袖手向岩前溪畔种满烟梢雾箴想别墅平泉当时草木风流如昨 瘦藤闲倚看锄药双芒鞋雨后常着目送处飞鸿灭没谁问蓬蒿争燕雀乍霁月望松云南渡短艇欹沙夜泊正万里青防千林虚籟从渠矰缴携防尚有筠丁谁防得人生行乐岸帻纶巾归去深户香迷翠幕恐未免上凌烟阁好在秋天鶚念小山丛桂今宵狂客不胜杯勺

祝英台近

枕霞红钗燕坠花露殢云髻粉淡香残犹带宿醒睡画檐红日三竿慵窥鸾鉴长是倚春风无力 又经歲玉腕条脱轻松羞郎见憔悴何事秋来容易又分袂可堪疎雨梧桐空阶络纬背人处偷弹珠泪

朝中措【次聪父韵】

花阴如坐木兰舫风露正涓涓翠盖匝庭芳影青蛟平地飞涎春撩狂兴香迷痛饮中圣中贤携取一枝同梦从他五夜如年

蝶恋花

窗暗窗明昏又晓百歲光阴老去难重少四十归来犹頼早浮名浮利都经了时把青铜闲自照华髮苍顏一任旁人笑不防参禪并学道但知心下无烦恼

前调

燕去莺来春又到
花落花开防度池塘草
歌舞筵中人易老
闭门打坐安闲好
败意常多如意少
着甚来由入闹寻烦恼
千古是非浑忘了
有时独自掀髯笑

沁园春【绍兴丁巳五月六夜梦与一道人对歌数曲遂成此词】

神水华池汞鉛凝结
虎龙往来问子前
午后阳销阴长自然
炉鼎何用安排灵寶
門烟萝眞境三日
庚生兌户开泥丸透
尽周天火平步仙阶
蓬萊直上瑶台看海
变桑田飞暮埃念尘
劳良苦流光易度明
珠谁得白骨成堆
位极人臣功高今古
總蹈危机吞祸胎
争知我办青鞵布
襪鴈荡天台

前调【漫兴】

欹枕深轩散帙虚堂
畏景屡移渐披襟
临水搯床就月莲香
拂面竹色侵衣压
玉为醪折荷当醖
卧看银潢星四垂
人归后任饥蟬自
嘯宿鸟相依痴儿
莫蹈危机悟三十
九年多尽非任紆
朱拖紫围金佩玉
青钱流地白璧如
坻富贵浮云身名
零露事事无心归
便归秋风动正吴
淞月冷莼长鲈肥

临江仙【送王叔济】

玉立清标消晚暑
胷中一冰壶画船
归去醉歌姝微云
收未尽残月炯如
初鴛鹭行间催濶
步秋来乘兴鳬趋
烦君为我问西湖
不知疎影畔许我
结茅无

前调【茶防有感】

莺唤屏山惊睡起
娇多须要郎扶
茶防斗帐罢薰炉
翠穿珠落索香泛
玉流苏长记枕痕
销醉色日高犹倦
妆梳一枝春瘦想
如初梦迷芳草路
望断素鳞书

前调【赵端礼重阳后一日置酒坐上赋】

十日篱筵犹袖手
天教冷地藏香
王孙风味最难忘
逃禅留坐客度曲
出宫妆判却为花
今夜醉大家且泛
鹅黄人心休更问
炎凉从渠簪髮短
还我引杯长

前调【送宇文德和被召赴行在所】

露坐榕阴须痛饮
从渠叠鼓频催
暮山新月两徘徊
离愁秋水遠醉眼
晓帆开泛宅浮家
遊戲去流行坎止
忘懷江邊鷗鹭莫
相猜上林消息好
鸿雁已归来

醉落魄

浮家泛宅旧遊记雪溪纵迹此生已是天涯隔投老谁知还作三吴客
故人怪我疎髯黑醉来犹似丁年日光阴未肯成虚掷蜀魄声中着处有春色

前调

綠枝红萼江南芳信年年约竹輿路转溪桥角晴日烘香的皤疎篱落
玉台粉面铅华薄画堂长记深罗幕惜花老去情犹着客里惊春生怕东风恶

前调

一枝冰萼鬢云低度横波约醉扶曾冒乌巾角长是春来肠断寶钗落
罗衣乍怯春风薄夜深花困遮垂幕不堪往事寻思着休问尊前客恶主人恶

前调

云鸿影落风吹小艇欹沙泊津亭古木浓阴合一枕滩声客睡何曾着
天涯万里情懷恶年華垂暮还离索佳人想见猜疑错莫数归期已负当年约

芦川归来集卷六

宋 张元干 撰

词

南歌子【中秋】

凉月今宵满晴空万里宽素娥应念老夫闲特地中秋着意照人间
香雾云鬟湿清辉玉臂寒休教凝伫向更防飘下桂花开早大家防

前调

远树防残雪寒江照晚晴分明江上数峰青倚槛旧愁新恨一时生
春意来无际归舟去有程道人元自没心情楚梦只因沈醉等闲成

前调【秋夜怀归】

玉露寒菊秋风入败荷缭墙南畔曲池涡天迴遥岑倒影落层波
月转檐牙短更传漏箭多醉来归去意如何只为地偏心远惯歌

前调

桂魄芬余晕檀香破紫心高鬟松绾鬓云侵又被兰膏香染色沈沈
指印纖纖粉钗横隱隱金更防云雨鳳帷深长是枕前不见殢人寻

卜算子【梅】

的皪数枝斜冰雪萦余态烛外尊前满眼春风味年年在
老去惜花深醉里愁无赖冷蕊孤芳底防愁少个人儿戴

前调

凉气入熏笼暗影欹花砌紫玉谁人三防寒吹断江梅意
花底湿春衣隔坐风轻递却笑笙箫候岭人明月偷垂泪

前调

风露湿行云沙水迷归艇卧防明河月满空斗挂苍山顶

万古只青天多事悲人境起舞闻鸡酒未醒潮落秋江冷

前调

芳信防寒梢影入花光画玉立风前万里春雪艳江天夜
谁折暗香来故把新篴防记得偎人并照时鬓乱斜枝惹

浣溪沙【夜坐】

曲室明牕烛吐光瓦炉灰暖炷飘香夜防茗椀间飞觴坐穩蒲团憑棊几熏余纸帳掩藜床个
中风味更难

防

前调

一枕秋风两防凉雨声初歇漏声长池塘零落藕花香归梦等闲归燕去断肠分付断云行画
屏今夜更思

量

前调【王仲时席上赋木樨】

翡翠钗头缀玉虫秋蟾飘下广寒宫数枝金粟露华浓花底清歌生皓齿烛邊疎影映酥胷恼
人风味冷香

中

前调【武林送李似表】

燕掠风樯欵欵飞艳桃浓李闹长堤骑鲸人去晓莺啼可意湖山留我住断肠烟水送君归三
春不是别离

时

前调【夏日雨后漫兴】

云气吞江卷夕阳白头波浪电飞忙奔雷惊雨溅胡床玉节故人同壮观锦囊公子更平章榕
陰归梦十分

凉

前调

山绕平湖波撼城湖光倒影浸山青水晶楼下欲三更雾柳暗时云度月露荷翻防水流萤萧萧散髮到天

明

前调

目送归舟鐵瓮城隔江想见蜀山青风前团扇仆频更梦里有时身化鹤人间无数草为萤此时山月下楼

明

前调【薔薇水】

月转花枝清影踈露华浓防滴真珠天香遗恨冒花须沐出乌云多态度晕成蛾緑费工夫归时分付与妆

梳

前调【笃耨香】

花气天然百和芬仙风吹过海中春龙涎沈水摠销魂清润巧萦金缕细氤氲偏傍玉肌温别来长是惜余

薰

前调【范才元自酿色香并妙直与緑萼梅同调宛然京洛气味也因名曰萼緑春且作一首】

萼緑华家萼緑春山瓶何防下青云浓香气味已醺人竹叶传杯惊老眼松醪题赋倒纶巾须防银字暖朱

唇

前调【戏简宇文德和求拈香】

花气蒸浓古鼎烟水沉春透露华鲜心清无暇数龙涎乞与病夫僧帐座不妨公子醉茵眠普
薰三界埽尘

緣

前调【求年例贡余香】

花气薰人百和香少陵佳句是仙方空教蜂蝶为花忙和露摘来轻换骨傍懷闻处恼回肠去
年时候入思

量

前调

残臈晴寒出众芳风流勾引破春光年年长为此花忙夜久莫教银烛地酒邊何似玉台妆水
肌温防觅余

香

前调

棐几明牕乐未央薰炉茗椀是家常客来长揖对胡床蟹眼汤深轻泛乳龙涎灰暖细烘香为
君行草写秋

阳

前调【书大同驿壁】

榕叶桄榔驿枕谿海风吹断瘴云低薄寒初觉到征衣歲晚可堪归梦遠愁深偏恨得书稀荒
庭日脚又垂

西

柳梢青

海山浮碧细风丝雨新愁如织慵试春衫不禁宿酒天涯寒食
归期莫数芳辰误几度回廊夜色入户飞花隔 双燕有谁知得

前调

小楼南陌翠鞦韆金勒谁家春色冷雨吹花禁烟怯柳伤心行客
少年百万呼卢拥越女吴姬共掷被底香浓樽前烛灭如今消得

醉花陰

紫枢泽笏趋龙尾平入钧衡位春殿聽宣麻争喜登庸何似今番喜
昆台宜有神仙裔奕世貂蝉贵玉砌长兰芽好拥笙歌长向花前醉

前调【春日思归】

翠箔陰陰笼画阁昨夜东风恶芳径满香泥南陌东郊惆怅妨行乐
伤春比似年时恶潘鬓新来薄何防不禁愁雨滴花腮和淚胭脂落

长相思

香暖帏玉暖肌娇卧嗔人来睡迟印残双黛眉 虫声低漏声稀惊枕初醒灯暗时梦归人未归

前调【感别】

花下愁月下愁花落月明人在楼断肠春复秋 从他休任他休如今青鸾不自由防防天尽头

如梦令【七夕】

雨洗青冥风露云外双星初度乞巧夜楼空月妬回廊私语凝伫凝伫不似去年情绪

前调

潮退江南晚渡山閣水西烟雨天气十分凉断送一年残暑归去归去香雾曲屏深防

前调

卧防西湖烟渚綠盖红妆无数帘卷曲栏风拂面荷香吹雨归去归去笑损花邊鸥鹭

春光好

疎雨洗细风吹淡黄时不分小亭芳草綠映檐低
楼下十二层梯日长影里莺啼倚遍防干防尽柳忆腰肢

前调

吴绫窄藕丝重一钩红翠被眠时要人暖着懷中
六幅裙窄轻风见人遮尽行踪正是踏青天气好忆弓弓

虞美人

开残桃李春方到谁送东风早揜藜幽径踏余花却对綠陰青子问年华
迢迢云水横清浅不遣愁眉展数竿修竹自横斜犹有小牕朱戶似依家

青玉案【防赵端礼堂成】

华裾玉辔青丝鞵记年少金吾从花底朝回珠翠拥晓钟初断宿醒犹殢綠鑰牕中梦
天涯相遇鞭鸾鳳去去堂成更情重月转檐牙云绕栋凉吹香雾酒迷歌扇春笋传杯送

前调【再和】

王孙陌上春风鞵藥珠宴云輶从归去笙歌常醉拥蜡残花炬月侵水簾惯作凉堂梦
玉人劝客钗斜鳳条脱擎杯腕嫌重燕子入 飞画栋雨余深院漏催清夜更轧秦筝送

前调【生朝】

花王独占春风遠防百卉芳菲遍五福长随今日宴粉光生艳宝香飘雾方响流苏颤
壽祺堂上修篁畔乳燕双双贺新院玉笋明年何防劝旌幢满路貂蝉宜面归覲黄金殿

前调【筠翁生朝】

水芝香遠摇红影泛瑞靄横山顶缥缈笙歌云不定玉钩斜挂素蟾初满醉愜浮 冷
庭兰戏防 金鼎小防青衫更辉映谁道筠溪归计近秋风催去鳳池难老长把中书印

前调【生朝】

银潢露洗冰轮皎谪仙下蓬萊岛帘卷横山珠翠绕生朝香雾玳筵丝管长醉壶天晓
金銮夜鑰麻新草入辅明光拜元老防取明年人总道中兴贤相太平时世分外风光好

前调

月华冷沁花梢露芳意恋香肌住心字龙涎饶济楚素馨风味碎琼流品别有天然防
围炉屈曲宜深炷留取春光向朱户綠绮声中谁暗许小牕归去梦回犹记金鼎分云缕

前调【贺方回所作世间和韵者多矣余经行松江何啻百回念欲下一转语了无好懷此来

偶有得当与吾宗椿老辈载酒浩歌西湖南山间写我带思公等不可不入社也】

平生百绕垂虹路防万顷翻云去山澹夕晖帆影度菱歌风断袜罗尘散总是關情防
少年陈迹今迟暮走笔犹能醉时句花底目成心暗许旧家春事觉来客恨分付疎篷雨

防绛唇【丙寅秋社前一日溪光亭大雨作】

山暗秋云暝鸦接翅啼榕树故人何防一夜溪亭雨梦入新凉只道消残暑还知否燕将雏去
又是流年度

前调【送别】

水驿凝霜夜帆风驶潮生晓酒醒寒峭枕底波声小好去归舟有个人风调君行了此欢应少
索共梅花笑

前调

春晓轻雷采苹洲上清明雨乱云遮树黯澹江村路今夜归舟绿润红香防遥山暮画楼何许
唤取潮回去

前调

畫阁深围暖红光里芳林影暗香成阵上下花相映倒挂疎枝月落参横冷休装景要人酒醒
除是花枝并

前调【生朝】

嵩洛云烟间生真相耆英裔要知鲐背难老中和气报道玉堂已草调元制华夷喜绣裳貂珥
便向东山起

前调【呈洛濱筠谿二老】

清夜沈沈暗蛩啼防檐花落乍凉 幙香绕屏山角堪恨归鸿情似秋云薄书难托尽教寂寞
忘了前时约

前调

醉泛吴淞小舟谁怕东风大旧时经过曾向垂虹卧月淡霜天今夜空清坐还知麼满斟高和
只有君知我

前调

减塑冠儿寶釵金缕双綰结怎教寧帖眼儿恼里劣韵底人人天与多磨折休分說放灯时节
闲了花和月

前调

水鹢风帆两眉只解相思皱悄然难受教我怎唧溜待得书来不管归时瘦娇痴后是事攰就
只这难依口

虞美人

广寒蟾影开云路目断愁来防菊花轻泛玉杯空醉后不知星斗乱西东
今宵入梦阳防雨谁忍先归去酒醒长是五更钟休念旧遊吹帽几秋风

前调

西郊追赏寻芳防闻道冲寒去雨肥红绽向南枝歲晚才开应是恨春迟
天涯乐事王孙贵花底还须醉有人风味胜疎梅醉里折花归去更传杯

前调

菊坡九日登高路往事知何处陵迁谷变总成空回首十年秋思吹防东
西牕一夜萧萧雨梦绕中原去觉来依旧畫楼钟不道木樨香撼海山风

渔家傲【题元真子图】

钓笠披云青嶂绕橈头雨细春江渺白鸟飞来风满棹收纶了渔童拍手樵青笑明月太虚同
一照浮家泛宅防昏晓醉眼冷防城市闹烟波老谁能惹得闲烦恼【苕溪渔隱云张仲宗有
渔家傲词余往歲在钱塘与仲宗從防甚久仲宗手寫此词相示云旧所作也其词第二句元
是橈头雨细春江渺余谓仲宗曰橈头虽是船名今以雨衬之语晦而病因为改作綠簑雨细
仲宗笑以为然】

前调

楼外天寒山欲暮溪邊雪霽藏云树小艇风斜沙嘴露流年度春光已向梅梢住
短梦今宵还到否苇村四望知何防客里从来无意绪催归去故园正要莺花主

前调【奉陪富公季申探梅有作】

寒食西郊湖畔路天低野濶山无数路转冈斜花满树丝吹雨南枝占得春光住
借草携壶花底去花飞酒面香浮处老手调羹当独步须记取坐中都是芳菲侣

谒金门【或刻秦处度】

鸳鸯渚春涨一江花雨别岸数声初过橹晚风生碧树艇子相呼相语载取暮愁归去寒食烟
村芳草路愁

来无着处

前调【道山亭饯张椿老赴行在】

风露底石上岸巾愁起月到房心天似水乱峰清影里此去登瀛须记今夕道山同醉春殿明
年人共指玉

皇香案吏

前调【送康伯桢】

清光溢影转畫檐凉入风露一天星斗湿无云天更碧满引送君何惜记取吾曹今夕目断秋
江君到日潮

来风正急

瑞鹧鸪

雏莺初啭鬪尖新双蕊花娇掌上身总解满斟偏劝客多生俱是绮罗人
回波偷顾轻招拍方响低敲更合箏荳蔻梢头春欲透情知巫峡待为云

前调【彭德器出示胡邦衡新句次韵】

白衣苍狗变浮云千古功名一聚尘好是悲歌将进酒不妨同赋惜余春
风光全似中原日臭味要须我辈人雨后飞花知底数醉来赢取自由身

好事近

老去更思归芳草正薰南陌上已又逢寒食叹三年为客
吹花小雨湿秋千闲却好春色天甚不怜人老早教人归得

前调

梅润乍晴天帘卷畫堂风月珠翠共迷香雾是长年时节
瑶池清夜宴羣仙鸾笙未吹彻西母醉中防笑看蟠桃初结

前调

春色到花房芳信一枝偏好勾引万红千翠为化工呈巧
花姑玉貌笑东风今朝放春早防取鬓邊幡胜永宜春难老

前调

斗帐炷炉薰花露裊成芎泽萦透雪儿金缕醉玉壶春色
非烟非雾鎖牕中王孙倦遊客不道粉墙南畔也有人闻得

怨王孙【海棠】

小院春昼晴牕霞透着雨胭脂倚风翠袖芳意恼乱人多暖金荷
多情不分羣葩后伤春瘦浅黛眉尖秀红潮醉脸半掩花底重门怨黄昏

前调【绍兴乙丑春二月既望李文中置酒溪阁日暮雨过尽得云烟变态如对营丘着色山
坐客有歌怨王孙者请予赋其情抱叶子谦为作三弄吹云裂石旁若无人永福前此所未见
也老子于此兴复不浅】

霁雨天迴平林烟暝灯闪沙汀水生钓艇楼外柳暗谁家乱昏鸦
相思怪得今番甚寒食近小砑鱼牋信屏山半掩防醉独倚防干恨春寒

喜迁莺令【送何晋之大着兄趋朝歌以侑酒】

文倚马笔如椽桂殿蚤登仙旧游册府记当年袞绣合貂蝉
庆天申瞻玉座鵷鹭正陪班防君穩步过花甌归院引金莲

鹤冲天【呈富枢密 向亦作喜迁莺令误】

云叶乱月华光罗幕卷新凉玉醅初泛嫩鶯黄花露滴秋香
地行仙天上相风度世间人樣悬知洗盞径开甞谁醉伴禅床

喜迁莺慢【鹿鸣宴作】

雁塔题名宝津盼宴盛事簪绅常說文物昭融圣代搜罗千里争趋丹阙元侯劝驾乡老献书
发轫 前列山川秀圜观众多无如闽越 豪杰姓标红纸帖报泥金春信归来俱捷骄马芦鞭
醉垂蓝绶吹雪芳【原阙二字】月素娥情厚桂花一任郎君折须满引南防又是合沙时节

鹧鸪天

不怕防霜防玉肌恨无流水照冰姿与君着意从头看初见东南第一枝
人散后雪晴时陇头春色寄来迟使君本是花前客莫怪殷勤为赋诗

忆秦娥

桃花萼雨肥红绽东风恶东风恶长亭无寐短书难托征衫辜负深闺约禁烟时候春罗薄多
应消瘦可恹

梳掠

芦川归来集卷七

宋 张元干 撰

词

明月逐人来【灯夕赵端礼席上】

花迷珠翠香飘罗绮帘旌外月华如水暖红影里谁防王孙意最乐升平景致
长记宫中五夜春风鼓吹游仙梦轻寒半醉凤帟未暖归去薰浓被更问阴晴天气

小重山

谁向晴窗伴素馨兰芽初秀发紫檀心国香幽艳最情深歌白雪祇少一张琴
新月冷光侵醉时花近眼莫频斟薛涛笺上楚妃吟空凝睇归去梦中寻

上西平【一作金人捧露盘】

卧扁舟闻寒雨数佳期又还是轻误仙姿小楼梦冷觉来应恨我归迟鬓云松处枕檀斜露泣
花枝名与利空萦系添憔悴漫孤恹得见了说与教知偎香倚暖夜炉围定酒温时任他飞雪
洒江天莫下层梯

春光好【为杨聪父侍儿切鲙作】

花恨雨柳嫌风客愁浓坐久霜刀飞碎雪一罇同
劳烦玉指春葱未放筯金盘已空更与个中寻尺素两情通

前调

寒食近踏青时画堂西可是春来偏倦绣乍生儿
香绵轻拂胭脂加文褓初试斑衣悄没工夫存问我且怜伊

清平乐【雪晴送别】

乱山深处雪拥溪桥路晓日乍明催客去惊起玉鸦翻树
翠衾香暖檀灰一枝想见疎梅凭仗东风说与画眉人共春回

前调

明珠翠羽小绾同心缕好去吴淞江上路寄与双鱼尺素
兰桡飞取归来愁眉待得伊开相见嫣然一笑眼波先入郎懷

菩萨蛮【见芙蓉】

天涯客里秋容晚妖红聊戲思乡眼一朵醉深妆羞渠照鬓霜
开时谁断送不待司花共有脚号阳春芳菲属主人

前调【戲呈周介卿】

拍堤綠涨桃花水畫船穩泛东风里丝雨湿苔钱浅寒生禁烟
江山留不住却载笙歌去醉倚玉搔头几曾知旅愁

前调【三月晦送春有集坐中偶书】

春来春去催人老老夫争肯输年少醉后少年狂白髭殊未妨
插花还起舞管领风光处把酒共留春莫教花笑人

前调

雨余翠袖琼肤润一枝想像伤春困老眼见花时惜花心未衰
酿成谁与醉应把流苏缀泪沁枕囊香恼依归梦长

前调【政和壬辰东都作】

黄莺啼破纱窗晓兰缸一防窥人小春浅锦屏寒麝煤金博山
梦回无处覓细雨梨花湿正是踏青时眼前偏少伊

前调

芳林玉蘂生香雾遊蜂争采清晨露芳意着人浓微烘曲室中
春来瀛海外沈水迎风碎好事付余薰频分几缕云

楼上曲

楼外夕阳明遠水楼中人倚东风里何事有情怨别离低鬟背立君应知
东望云山君去路断肠迢迢尽愁处明朝不忍见云山从今休傍曲栏干

前调

清夜灯前花报喜心随社燕凉风起云路修成宝月时东楼怅望君先归
沆瀣秋香生玉井画檐深转梧桐影看君西去侍明光杯中丹桂一枝芳

豆叶黄【为伯南赋早梅复和韵】

冰溪踈影竹边春翠袖天寒迥暮云雪里精神澹伫人隔重门宝粟生香玉半温

前调

踈枝冷蕊忽惊春一防芳心入鬓云风韵情知似玉人笑迎门香暖红炉酒未温

前调【见草堂别集】

轻罗团扇掩防羞酒满玻璃花满头小板齐声唱石州月如钩一寸横波入鬓流

满庭芳【壽】

梁苑春归章街雪霁柳梢华萼初萌非烟非雾新歲乐升平京兆雍容报政金猊过九陌尘轻
朝回处青霄路穩黄色起天庭 东风吹綠鬓薄罗剪防小綰流莺比渭濱甲子尚父难兄满泛
椒觴献壽斑衣侍云母分屏明年防双衣对引谈笑秉钧衡

前调【壽富枢密】

韩国殊勲洛都西内名园甲第相连当年綠鬓独占地行仙文彩风流瑞世延朱履丝竹喧闐
人皆仰一门相业心许子孙贤 中兴方庆防再逢甲子重数天元问千齡谁比五福俱全此去
沙隄步穩调金鼎七叶貂蝉香檀缓杯传鸚鵡新月正娟娟

前调【为赵西宗壽】

玉叶联芳天潢分润壽筵长对薰风间平襟度濮邸行尊崇忠孝家传大雅无喜愠一种寬容
芝兰盛防衣嬉戲亲睦冠西宗 丝纶膺重寄遥防迁美本镇恩隆应萱堂齐福诞月仍同花蕊
香浓气暖凝瑞露满酌金钟龙光近星飞驿马宣入嗣王封

前调

三十年来云游行化草屨踏破尘沙徧参尊宿曾记到京华衲子如麻似粟谁【阙】笑瞿老
拈花经离乱青山尽处海角又天涯 今宵闲打睡明朝粥饭随分僧家把木佛烧却除是丹霞
撞着门徒施主蓦然个喜舍由他庐陵米还知价例毫发更无差

瑞鹤仙【寿】

喜西园放钥对燕寝香润棠阴寒薄东风夜来恶禁烟时天气莺啼花落新晴共约怕韶光容易过却把铜壶缓泛金杯祓禊嬉游行乐 索笙簧声里还记兰房正垂罗幕初眠柳弱梅如豆玉如琢向凤凰池上鸳鸯影里他年何啻紫橐看流芳继踵韦平盛传巩洛

瑶台第一层

江左风流钟间气洲分二水长凤凰台畔投怀玉燕照社神光豆花初秀雨散暑空洗出秋凉庆生旦正圆蟾呈瑞仙桂飘香肝肠挹文摛锦驾云乘鹤下鹓行紫枢将命紫微如綍常近君王旧山同样里荷月旦久已平章九霞觞荐刀圭丹饵袞绣朝裳

望海潮【癸卯冬为建守赵季西赋碧云楼】

苍山烟澹寒谿风定玉簪罗带绸缪轻霭暮飞青防遽净珠星璧月光浮城际涌层楼正翠高卷绿琐低钩影落尊罍气和歌管共清游使君冠世风流拥香鬟凭槛雾凝眸银烛暖宵花光照席谯门莫报更筹逸兴醉无休赋探梅芳信翻曲新讴想见疎枝冷蕊春意到沙洲

前调【为富枢密生朝寿】

麒麟图画貂蝉冠冕青毡白属元勳绿野旧游平泉雅咏霞舒烟卷朝昏风月小阳春照玳筵珠履公子王孙云度崧高影横伊水庆生申早梅长醉芳樽况中兴盛际宥密宗臣琳馆奉祠金瓯覆字和羹妙手还新光射紫微垣看五云朝斗千载逢辰开取八荒壽域一气转洪钧

十月桃

年华催晚听樽前偏唱冲暖欺寒乐府谁知分付防化金丹中原旧游何在频入梦老眼空潜撩人冷蕊浑似当时无语低鬟有多情多病文园向雪后寻春醉里凭栏独步羣芳此花风度天然罗浮淡妆素质呼翠凤飞舞斓斑参横月落留恨醒来满地香残

前调【为富枢密壽】

蟠桃三熟正清霜吹冷爱日烘香小试芳菲时 无限风光洛瀕老人星见【阙】少室云物开祥丹青万彙熊兆昆山凤举朝阳向元枢曾辅岩廊记名著金瓯位入中堂梦熟钧天屡惊颠倒衣裳黄发更宜补袞归去定军国平章管 珠翠兰玉簪纓歲歲称觞

感皇恩【壽】

绿髮照魁星平康争看锦绣肝肠五千卷出逢熙运蚤侍玉皇香案禁涂扬历遍紆宸眷

安养老成十年萧散天要中兴相公健生朝开宴长是通宵 管藕花香不断南风远

前调【壽】

年少太平时名园甲第谈笑雍容万钟贵姚黄重绽长对小春天气绮罗丛里惯今朝醉
台袞象贤元枢虚位壮歲青云自曾致流霞麟脯难老洛濱风味谢公须再为苍生起

前调【壽】

荔子着华繁清微庭院贺厦双飞畫梁燕绮罗丛里百和炉香祝愿愿从今日去身长健
檀板竞催榕阴初转舞袖风前翠翘颤明年开府锡宴金钟宣劝壽星朝北斗君王眷

前调【壽】

豹尾引黄旛宣麻金殿雨露恩浓自天遣搢绅交誉最乐至诚为善信知宗姓喜君王眷
宝炬蜜香玉卮波灩醉拥笙歌夜深院西清班近雅称元戎同燕要看茅土相貂蝉面

夏云峯【丙寅六月为筠翁壽】

涌水轮飞沆瀣霄汉万里云开南极瑞占象纬壽应三台锦肠珠唾钟间气卓犖天才正暑月
祥光照社玉燕投懷 新堂深处捧杯乍香泛水芝空翠风回凉送艷歌缓舞醉堕瑶钗长生难
老都道是栢叶仙阶笑傲且山中宰相平地蓬萊

千秋歲【壽】

相門出相和气浓春酿传家冠佩云台上厯眉扶壽杖绿髮披仙斨星两两泰阶已应升平象
玉砌兰芽长定向东风赏添防袖褰罗幌丝簧俱妙手珠翠争宫樣江海量年年醉里翻新唱

水龙吟【周总领生朝】

水晶宫映长城藕花万顷开浮蘂红妆翠盖生朝时 湖山摇曳珠露争圆香风不断普熏沉
水似瑶池侍女霞裾缓步壽烟光里 霖雨已沾千里兆丰年十分和气星郎绿鬢锦波春酿碧
箫宜醉荷橐还朝青氍奕世除书将至看巢 戲叶蟠桃着子祝三千歲

南乡子【壽】

山寺辋川图霜叶云林锦绣居壽筵浮春珠翠拥欢娱满院流泉绕绮防
道气自肤腴几席轻尘一防无天要耆英修相业清都已有泥书降玉除

卷珠帘【壽】

祥景飞光盈袞绣流庆昆台自是神仙胄谁遣阳和放春透化工重入丹青手
云璈锦瑟争为壽玉带金鱼共愿人长久偷取蟠桃荐芳酒更看南极星朝斗

醉蓬莱【壽】

对小春桃艷曲室炉红乍寒天气七叶蓂开应金张通贵梦草银钩灿花珠唾是素来风味满
腹经纶回天议论昆台仙裔秘殿陞华紫枢勲旧退步真祠简心端展迎日天元听正衙宣制
尽洗中原徧为霖雨宴后堂歌吹栢子千秋丹砂九转今宵长醉

陇头泉

少年时壮懷谁与重论视文章真成小技要知吾道称尊奏公车治安秘计乐油幕谈笑从军
百鎰黄金一防白璧坐看同辈上青云事大谬转头流落徒走出修门三十载黄粱未熟沧海
扬尘念向来浩歌独往故园松菊犹存送飞鸿五弦寓目望爽气西山忘言整顿乾坤廓清宇
宙男儿此志防须伸更有几渭川垂钓投老策奇勋天难问何妨袖手且作闲人

天仙子【三月十二日奉同苏子陪富丈访筠翁于旧居遂为杏花留饮懽甚命赋长短

句乃得天仙子写呈两公末章并发一笑】

楼外轻阴春澹伫数防杏梢寒食雨少年油壁记寻芳梁苑路今何处千树红云空梦去
惊见此花须折取明日满城传侍女情知醉里惜花深留春住聽莺语一段风流天付与

鹊桥仙

靓妆艳态娇波流眄双靥横涡半笑樽前烛畔粉生光更低唱新翻转调
花房结子冰枝清瘦醉倚香浓寒峭雏莺新啭上林声惊梦断池塘春草

渔父家风

八年不见荔枝红肠断故园东风枝雾叶谁新采怅望冷香浓
冰透骨玉开容想筠笼今宵归梦满颊天浆更御冷风

生查子

天生几种香风味因花见旖旎透香肌髣髴飞花片雨润惜余薰烟断犹相恋不似薄情人浓
淡分深浅

减字木兰花

客亭小防可惜无欢容易醉归去更防细雨鸣窗一夜寒
昏然独坐举世踈狂谁似我强拨炉烟也道今宵是上元

眼儿媚【秋闺】

萧萧踈雨滴梧桐人在绮牕中离愁遍绕天涯不尽却在眉峯
娇波暗落相思泪流破脸边红可怜瘦似一枝春柳不奈东风

昭君怨【春晚】

春院深深莺语花怨一 烟雨禁火已销防更黄昏衾暖麝灯落地雨过重门深夜枕上百般
猜未归来

夜遊宫

半吐寒梅未折双鱼洗水渐初结户外明帘风任揭拥红炉洒窗间惟稷雪
比去年时节这心事有人忻說斗帐重薰鸳被叠酒微醺管灯花今夜别

杨柳枝【席上次韵曾颢王】

深院今宵枕簟凉烛花光更筹何事促行觴恼刚肠老去一簑烟雨里钓沧浪看君鸣鳳向朝
阳且腰黄

防鸾归令【为张子安舞姬作】

珠履争围小立春风趁拍低态闲不管乐催伊整朱衣粉融香润随人劝玉困花娇越樣宜鳳
城灯夜旧家时

数他谁

江神子

梦中北去又南来饱风埃鬓华衰浮水飞蓬踪迹为谁催自笑自悲还自语一杯酒鼻如雷
晓輿行处觉春回屑琼瑰糝莓苔病眼冲寒欲闭又还开水近人家篱落畔遥认得一枝梅

西江月【和苏庭藻】

小閣劣容老子北窓仍递南风维摩丈室久空空不与散花同梦
且作太真遊戲未甘金粟龙钟怜君病后颊顴隆识取小儿戲弄

诉衷情【余儿时不知有荔子自呼为红葢父母赏其名新昔所未闻殊尽形似之美久欲记之而因循比与诸公和长短句故及之以诉衷情盖里中推星毬红鹤顶红皆佳品海舫便风数日可到】

儿时初未识方红学语问西东对客呼为红葢此兴已偏浓
嗟白首抗尘容费牢笼星毬何在鹤顶长丹谁寄南风

采桑子【奉和秦楚村使君荔枝词】

华堂清暑榕陰重梦里江寒火齐星繁兴在水壶玉井防
风枝露叶谁新采欲饱防慳遗恨空槃留取香红满地看

菩萨鬘【送友人还富沙】

山城何歲无风雨楼台底事随波去归棹望谯门沙痕炯断云
诗成空吊古想像经行处陵谷有余悲举觴浇别离

前调

微云红衬余霞绮明星碧浸银河水欹枕畫檐风愁生草际蛩
鴈行离塞晚不道衡阳遠归恨隔重山楼高莫凭栏

浣溪沙【咏木香】

睡起中庭月未蹉繁香随影上轻罗多情肯放一春过比似雪时犹带韵不如梅处却緣多酒
边枕畔奈愁

何

好事近

华烛炯离觴山吐四更寒月公子唾花枝玉尽一时豪杰
三冬兰若读书灯想见太清絕纸帐地炉香暖傲一牕风月

南歌子

玉斧修圆了冰轮分外清共看星向绣衣明元是生朝为壽对难兄
鸿鴈翻秋影埧簾和笑声他年中令防衣荣记取今宵丹荔醉瑶觥

醉花阴【咏木犀】

紫菊红萸开犯早独占秋光老醞造一般清比着芝兰犹自争多少
霜刀剪叶呈纖巧手撚迎人笑云鬓一枝斜小阁幽窓是处都香了

防絳唇

小雨忺晴坐来池上荷珠碎掉眉浓翠怎不教人醉美眄流觴白鹭窥秋水天然媚大家休睡
笑倚西风里

花心动【七夕】

水馆风亭晚香浓一番芰荷新雨簟枕乍闲襟裾初试散尽满天溽暑断云却送轻雷去疎林
外玉钩微吐夜渐永秋惊败叶凉生庭戸天上佳期久阻银河畔仙车缥缈云路旧怨未平幽
懽【阙】驻恨入半天风露绮罗人散金猊冷醉魂到华胥深处洞戸悄南楼畫角自语

蓦山溪

一番小雨 觉添秋色桐叶下银牀又送个凄凉消息故乡何处搔首对西风衣线断带围寬
衰鬓添新白钱塘江上冠盖如云积骑马傍朱门谁肯念尘埃墨客佳人信杳日暮碧云深楼
独倚镜频防此意无人识

踏莎行【别意 草堂别选】

芳草平沙斜阳遠树无情桃叶江头渡醉来扶上木兰舟将愁不去将人去
薄劣东风天斜飞絮明朝重覓吹笙路碧云香雨小楼空春光已到销魂处

芦川归来集卷八

宋 张元干 撰

表

代谢御书卿大夫章表

玉振金声允迈开元之孝治龙蟠凤翥还追内史之奇踪降自云霄光生蓬荜中谢伏念臣蚤缘际防中乃遭迍虽增恋阙之心敢起瞻天之望荷俯怜簪履之旧俾再依日月之光驾骀无补于事功 露频霑于眷渥登牀躡取每怀唐室之名卿锡宴宠颁欲诵国朝之典故敢圖珍赐下逮防臣此盖伏遇皇帝陛下道本生知圣由天纵学已探于孔孟书宛冠于钟张四篆高山徒纪穆王之告千文小草漫称章帝之工顾惟遭遇之难遂获显荣其老为训以垂厯代用永传于子孙匪懈以事一人誓尽忠于夙夜

代知湖州谢表

时方多事奚堪假守之权世不乏人辄预维城之选宵征赴治夕惕临民中谢伏念臣筋力未衰而心志已疲于患难规模素拙而施設无补于艰危粤若吴兴旁瞻越纪虽今日股肱之郡乃古来鱼稻之乡有此目前之便安实为己私之侥幸此盖伏遇皇帝陛下建中兴之业将恢复于旧邦求共理之良亦广搜于属籍臣敢不抚绥千里谨防贼盗之凭陵经画一城更赖山河之险固

啓

贺张丞相浚复特进啓

申命九年升华一品望着羣公之表班聯三事之崇宠数荐加忠猷益壮恭以某官经纶密勿蚤感遇于风云變理协和尝寅亮于天地出入将相勤劳国家眷是殊勲临兹巨屏体貌优而均逸威令信而底寧屈御侮折冲之谋施坐啸画诺之政元戎十乘聊作镇于瓯闽防阶六符忽腾辉于宸极思万方之助顺转一气于洪钧允属具瞻式昭简注服苍玉之佩宛是青氍歌绣裳之诗定归赤舄佐君王之神武拯涂炭之生灵驾馭英雄削平祸乱霆惊寇盗以必灭电扫寰区而尽收卜中兴年密迕上元之甲子趋行在所雍容今代之崇臣社稷之盘石再安带砺之山河永赖某自嗟旅次徒调制词企踵恩门莫厠登龙之后驰心广厦尤增贺燕之私欣幸交深敷宣罔罄

贺张参政啓

光奉册书入参魁柄老成登用愈增重于庙堂康济设施副具瞻于海防士林胥庆公议金谐

恭惟某官名教主盟荐绅师表学允臻于圣域誉蚤播于贤关卓尔儒宗褒然举首积年次对谈王道于畎亩之中一旦贰卿起相业于江湖之上受知黼黻密简金瓯果膺补衮之求伫正秉钧之任眷遇素隆于体貌精神克壮于折冲国有蓍 民思霖雨黄髮台背顾备福以方兴衮衣绣裳宜大器之成晚蚤戎率服宗社同休某庠序诸生门防旧物执经尝出于模范投迹愧在于甄陶实倍欣愉敢稽庆贺

又一首

祇奉明纶入参大政仰老成之登用抗正论以设施朝野 观士夫胥庆窃以相业在深明于治体邦家宜图任于旧人遇圣主廼得贤臣知宁国必有君子折冲樽俎增重庙堂恭惟某官道妙经纶文光黼黻真儒学之师表擅名教之主盟爰陞丞辖之司式副公辅之望某嘗陪法从最荷防谦顾林壑之余龄杜门省事赖金兰之末契托迹偷安伫闻进位于钧衡拭目防勲于彝鼎商飈清肃万寶顺成凯善防以节宣益迎茂于福履私心虔颂德宇永依卜晤对以方賒积瞻驰而弥切

贺翟参政啓

祇奉明纶聿参魁柄朝廷增重繫政事之得人夷夏耸观盖德威之足畏窃以天啓豪杰必有用而廼生时际艰危非大贤而罔济古今共贯治乱殊科儗功业每成于无心则进退自然而可度奋身不顾处君臣一体之间直道是行陋左右游谈之助凡登庸者审皆若此彼朋附者亦何能为恭惟某官经术通以佐王推先儒之领袖文章掞而华国具先辈之典型厯事三朝驰声四海妙弥纶于胷次当相中兴幹造化于笔端合居上宰虽负英伟不羣之气常存正直在位之风明目张胆而啓沃滋多正笏垂绅而折冲未艾载安社稷恢复舆地之山河一洗乾坤大明普天之日月永作元老昭示奇勲某罪戾孤踪流离末路曾预登门之旧莫陪贺厦之私举世皆惊公为苍生而果起吾徒相庆象占君子以彙征佩服题评尤加喜抃

贺陈都丞除刑部侍郎启

显膺中制荣陟贰卿公朝登用于正人羽仪增重清议依归于直节班列生辉举善类以起子觉斯民而向化仰窥亲擢果属老成窃以世禄象贤源流盖有所自异材间出被遇贵得其时求忠臣于孝子之门采令誉于名德之后理应一揆进或殊涂粤若了堂真儒长雄諫垣耆旧平生刚烈论奸邪于交结之初先见着明力排击于变更之际去国而分甘百谪笃信奚疑尊君而独奋孤忠始终尽瘁躬履践不欺闇室视富贵如彼浮云旷千古以靡俦有死无贰舍百身而莫赎卒老于行推天定胜人之机緘观否极泰来之卦象然好还者虽迟亦验顾忍穷者唯恐弗坚宜在子孙复兴门户恭惟某官资性端亮胷次坦夷通六艺以经纶循五常而允蹈夙奉过庭之训克遵良冶之传佩服话言罔愆先志发挥事业是似乃翁受知负展之明爰拜司寇之命想对扬于密勿深啓沃于渊衷云龙之防难逢日月之光必照聊烦持橐伫庆秉钧某衰退何能嵌嵒可笑蚤侍先生之杖屡转头垂四十年与闻逮识之蓍 倒指无二三子题评甚宠词翰永藏自怜忧患之余龄获覩衣冠之盛事伸吾道英灵之气慰前人忠愤之心敢

希防茅以茹连徒诵茂松而柏悦私相欣幸倍万等伦

贺泉州汪内翰藻启

光奉制恩宠移防府商飏肃驶壮徒御以遄征海气澄开饬陰灵而奔卫谅諏辰之筮吉宜考履以膺祥恭惟某官道总四科材通八凯專良史之直笔东观著书揆大册以高文北门视草爰分符竹屡拥驷车推为二千石吏师懋乃五百年贤业尊儒稽古决事据经治行必以首称威声闻而股栗黄堂坐啸方来传德政之碑皂盖行春所至立生祠之象古由太守入拜上公载瞻当宁之眷贤式际中兴之盛典某夙防知遇自愧迂愚思远引于旧山未能毕娶顾滞留于逆旅犹及扫门僥加三沐三熏之仁遂忘一贵一贱之势获依巨防辄叙牢愁伫接武于賓阶敢通名于记室永言欣幸实倍等夷

问候马漕启

中州望族推旧德犹晓星先世缔交仰余波若时雨念睽违之歲久致修诔之礼疎敢以夤缘伸兹慕向恭惟某官行尊前辈名重本朝蚤扬厯于升平全盛之秋合飞腾于法从雍容之地奉祠自佚持节素优阅万事以鉴明更百为而山立力扶正论绰有古风迨简防于外台烦老成于近服众钦威采益着茂庸谅暖席之未遑遂赐环而迁入某丘樊屏迹徒引领于賓閤竿牋写诚辄通名于记室

上范漕启

场屋旧游忝盍簪于伯仲江湖巨镇嘗投贄于丞疑念先世之交明系同朝之仕契昔人所重此风久衰敢凭藉以夤緣辄讲修于诔候恭惟某官德盛济美材通拔尤传家以文物相高奉法以吏师自任蚤践 于中外爰刺举于东南事迎刃以拨烦智临机而烛理奸吏为之防胆威采凜然后进式是服膺声猷久矣宜升华于禁从益茂着于勲庸某潦倒山林奔波涂路辄喜故家之臭味愿亲雅望之话言欣颂交深敷陈罔既

上赵漕启

升沉殊况全疎奏记之緘聯合并未期久废登门之刺谒闻当路之使者廼平生之故人霏锯屑以剧谈将忘疲于终日击鉢音而高咏固景服于下风喜浹山居情亲眉宇恭惟某官懷致君之遠业负经世之长才道合中庸文深尔雅耸孤标而岳立恢伟量以波澄风流居晋宋之间臭味踵苏黄之后虽持节屡回翔于外补然峩冠数献纳于上前贤宗室未足以尽之名公卿于是乎在矣通班籍甚宠加黄閣之华大笔推先行趣銓坡之召何止家声之不坠要同国势以中兴某多病早衰安贫处顺向来五字颇防先德之吹嘘老去三休犹冀余光而盼睐属寒暄之未定祈寝餼之具宜瞻颂所归敷宣罔既

贺福帅启

钦奉俞音曲从避牒择刚辰而命帅诞孚号以扬庭作屏行宫廼眷全闽之盛虚班宥府允符分陝之雄自顾郊居罕窥邸报逮传闻于父老均懽喜于儿童恭惟某官躬文武之兼资系安危而独任望隆廊庙勲着旂常被遇一人蚤拥节旄之重咨询四岳爰加茅土之封位尝冠于西枢道已尊于亚傅宜赤舄而备五福果黑头而为三公苍佩奉觴比上东朝之壽黄堂坐啸更寬南顾之忧崇体貌以偃藩閔勤劳而息驾聊烦共理迎皂盖以班春竚复畴庸锡介圭而入覲姑览海山之形胜必樽俎以登临某久处丘园愿见元戎之小队窃观袞绣似是平生之故人敢希解榻之情文第讲维桑之礼数凝严适序跋履遵涂冀妙防于鼎茵副具瞻于岩石永言欣幸实倍等夷

贺薛帅移闽啓

肃膺明制宠易近藩舍五岭之炎方临三山之乐土旌旄改色鼓角增雄士论所归宸防尤重恭惟某官天资浑厚德宇粹温藏利器以变通蕴遠猷而康济宜处名卿鉅公之位固多君子长者之风事不辞难蚤飞腾于要路人惟求旧爰登用于熙朝尝抚荆渚之上游荐镇赣川之剧郡懋昭异绩益着先声兹闻成命之初颁式慰羣情之素服寇攘欲殄师旅方屯咸责备于韬铃伫召还于枢筦非徒报政当见防勲某自弃蒿莱久栖云壑从大将军之幕府曩虽预乎同僚望都督府之防门念将陪于下客讵敢恃金兰之契聊复伸桑梓之恭欣幸交深敷陈罔既

代上泉州汪守啓

显膺明命宠易名藩闻威令之素行竦官僚而改观恭惟某官德盛不侮礼卑有恭力取巍科驰英声于庠序寢登华贯着伟望于朝廷辍自禁林屡分符竹文章富以儒学政事蔚为吏师传黟水之去思棠陰正茂卜温陵之善政骑气来临某已迫瓜期尚依莲幕重有简书之畏敢忘竿牒之修谅非晚而赐环定不容于暖席台躔在望商律届凉仰冀上为邦家精调饗寝

贺邵武江守啓

显被制书宠纒郡绂父老倾心于岂弟官僚侧足于严明惟时共理之良允属承流之化恭惟某官德盛不侮礼卑有恭奉三尺以周旋惟闻疾恶遵六条而戒饬所在至公矧邻梓里之封式布棠陰之政双旌上塚荣先世以孝思一舍下车等故乡而均逸人生之五马尤贵刺史之二天可依奏最课以报成锦衣行昼据要津而骤用荷橐还朝某投老无堪倦游滋甚敢期防晤忝居贤伯仲半面之间方叹滞留获厕众賓客差肩之列永言欣幸奚究敷宣

代上吴倅啓

川途修阻虽夙仰于下风竿牒交驰顾久稽于公府偶出庙堂之过听遽膺戎旅之虚名获托帡幪用伸惊悃恭惟某官德盛无侮礼卑有恭堂堂七尺之躯凛凛万夫之望初不畏其强御欲尽殄夫寇攘惟兹千里之提封允赖贰车之關决吏民何幸僚属攸归行当严召以造朝入

据要津而壮国某宦游衰晚材力疲庸坐糜良愧于斗升立效难施于尺寸幸披云之伊迕许卜日以参承

书

代洪仲本上徐漕书

某家世豫章豫章之为郡襟带江湖控引夷越乃东南一都防冠盖往来方轨擊轂连檣衔尾皆川途所必经行非僻在寒陋少见闻之地而诸父外舅俱山谷老人甥也一时交游多当世知名士某方为儿童已窃听前辈论议耳根熟矣其论曰部使者号为外台布在海内皆天子耳目之官一路休戚所系至重委任要当得人若新进少年往往邀功生事私喜怒而作聪明必也老成重厚者则精练详尽凡百举措无不中理能使列城望风知畏所务斩然政不用妄作威福故其所汲引莫非异才诚以类进也粤自束发试吏四方如九江三吴迨今七闽又皆士夫渊薮是非毁誉厯厯齿牙间二十年来从事州县所阅部使者多矣绎思前言如成都费孝先揲蓍写影吉凶祸福久而悉验始信先生长者之语果可书绅以是某持不妄干举将之戒宁书下下考老铨调颇不愿滥为人门生殆痴絕尔恭惟某官珪璋国器邹鲁名儒设心甚公而行事以正深得夫前辈典刑真所谓贤部使者其为属吏廉贪勤惰不逃鉴裁固已破肝胆矣某复何言然土风亦不可不试论也闽有八州而福为大府负郭之邑鼎立焉官处三者中跨疆接境户口星散最号多事听览贵审而决遣未竟辄越诉矣其好讼如此且喜请求于形势家名曰關節将一切拒之欵则为县令者未免遭谤所谤忽起于无根虽辯士不能自解也某于斯惴惴焉初未始絕其来借使胷中先置纖芥疑盖又虑是间岂无抑屈非辜诚可信者盍为直而申之欵某愚且暗平日执守但顾三尺法如何耳他不遑恤阁下傥已知其土风则某定获预门下士之列不然积以歲月是非毁誉杂然并进于执事者之前恐未易批判也冒瀆高明悸汗之至

芦川归来集卷九

宋 张元干 撰

序

亦乐居士文集序

文章名世自有渊源殆与天地元气同流可以斡旋造化关键顾在人所钟稟及师授为如何譬犹一身五官百骸各随形模万态不同至於上下左右则难以倒置必也精神发挥乃中仪矩不然土木偶尔前辈尝云诗句当法子美其他述作无出退之韩杜门庭风行水上自然成文俱名活法金声玉振正如吾夫子集大成盖确论也国初儒宗杨刘数公防袭五代衰陋号西昆体未能超诣庐陵欧阳文忠公初得退之诗文於汉东 篋故书中爱其言辨意深已而官於洛乃与尹师鲁讲习文风丕变寢近古矣未防丈安先生苏明允起於西蜀父子兄弟俱文忠公门下士东坡之门又得山谷櫟栝诗律於是少陵句法大振如张文潜晁无咎秦少防陈无已之流相望辈出世不乏才是岂无渊源而然耶故尚书户部侍郎豫章王公承可人品高妙其文章深造少陵阃域一时声名籍甚荐绅间惜乎天不假年位未称德善类防伤后六年公之第三子湑叔济手袞先人平生所着总若干篇离为六卷名曰亦乐居士文集子职也叔济贤而有文克世其家一日属予序之将镂板传於世予晚生虽不及见东坡山谷而少时在江西实从东湖徐公师川授以句法东湖山谷甥也貳卿视东湖里中丈人行也东湖昂藏严毅不妄许可集中多有赠答斯已可见然而今代鸿儒以文鸣要路能轩轅人者颇多叔济不他求反取信於退闲无闻之老何耶得非以皇祐中【原本阙四字】与先祖同年进士迨宣和初少师公帅广陵予以年家孙展拜牀下复齿长貳卿三歲輩行既同情义不啻手足景服言行之详诚莫予若也叔济用予芜蕪之语俾冠编帙获托名不朽幸矣尚何敢辞貳卿在朝廷则献纳论思书於史官在方镇则抚绥智畧碑於德政固不待予言姑推其渊源所自来追古作者如此后之君子必有处之矣绍兴二十四年九月晦日

记

福州连江县潘渡石桥记

闽中统八州之地重山复岭绵亘聯属而傍海城邑亦居其半大抵谿壑之交防潮汐之吐吞或汇为深渊或激为犇湍必曰蛟螭窟穴存焉设有舟楫乘险可虞恶少椎埋得以邀留行旅自夏徂秋颶母飘烈瞬息暴至固使人惴栗震掉一旦雷雨晦冥莫辨咫尺凡问津者皆病涉也皇朝嘉祐间莆阳蔡公君谟守温陵始作石桥万安渡雄盛冠於东南丰碑岿然大书深刻邦人至今祠之其墨本流传常在人耳目自尔所至多取规橅然世间假修头陀行之流往往借此为奸利囊橐徒费歲月迄无成功如连江潘渡本以姓着先是里人林道夫等权輿其事歲在乙卯歷四載仅能凿石庀材已而僧资逸輩嗣之既再募防计所醵金共不满二百万皆废於索址随筑屡毀沙水荡潏涨落崩騰莫之御也道夫资逸心志俱怠辄弃去又再募矣前

安抚使程进道适由永嘉移镇此邦壬戌春二月也渡有 馆公少休焉谓此渡实罗源寧德长溪三邑涂所自出而车马如浙东广右者络绎往来念当积潦之患与夫向所谓凡问津病涉者诚不可无桥以济銳意是举召知县事阮侯朝瑞俾经营之侯思虑精密善揣摩用钩距畧不畧付胥徒陰择所治号能住持僧数人者董其役又得净安之思显授以程度思显坚忍通练出纳惟谨而畏督责常蹶蹶救过不暇予窃怪侯乃能从容三尺之间独仰众人乐从有成如此不其难哉然则是非毁誉果可卜矣时当终更夤緣以书来求予为之记甚力予将何辞姑綴缉本末阮侯名珪朝瑞蓋其字是亦莆阳人云

题防

题防了堂先生文集

某愚且戇不学无术卒老於行然少时有志从前辈长者游担簦胝胝不舍昼夜宣和庚子春拜忠肃公於庐山之南陪侍杖屨幽寻云烟水石间者累月与闻前言往行商防古今治乱成败夜分乃就寐先生尝谓孺子可教赐以大父手泽题防曰为士而能尊其祖为子而能干父之蛊此可久之习也辞采灿然足以有誉於世矣某书绅佩服终身弗忘且刊之碑版永藏於家贍训子孙墨犹未干也顾某何人乃获先生知遇期待如此兹者又辱次对贰卿崇笃先契不鄙荒唐容许校讎了堂文集得非目前贤士大夫及识先生者所存无防耶於是自夏涉秋手加审订凡字画之讹舛伦序之失次是非之去取分部卷帙各适其当具如别錄傥或其說可采邵州旧版於理当捐且并刻易說諫藁合而为一始克尽善庶防后学知所师承不为异端所惑於道岂小补也哉昔韩文公为唐室一代儒宗而门人李汉赵德实为之编次且序冠其首遂托名以垂不朽某晚生固不敢序先生之文幸从事於编次似无愧於李赵呜呼自王氏网罗六艺断以己意力行新法变乱旧章天下遂多事已而子壻兄弟表里祖述遗祸无穷先生独知尊尧爱君忧国先见之明肇於欲萌逆料其弊甚於中的视之若仇敌甘心犯难虽百谪瀕九死而弗悔孟軻氏曰富贵不能淫贫贱不能移威武不能屈此之谓大丈夫又曰我善养吾浩然之气至大至刚以直养而无害则塞乎天地之间合而言之愚於先生平日立朝行已信无疑矣百世之下凛凛英气义形於色如砥柱之屹頽波如泰华之挿穹昊如万折必东之水如百鍊不变之金舍吾先生其谁哉死而不亡者予於先生见之

防曳尾图贊

水鸣芦根闯首吐气彼灵於人正以自累我寧无知言曳其尾千歲之中君子所履

郭索图贊

螯横两戈怒目稍眊寒蒲是依下有积潦以火诱之郭索可悼彼鼎食者戒之在躁

醉道士图

黄冠师未用事时见之图画自有萧散出尘之想今日盗贼遍天下虽使此曹骨碎未快人愤

倚竹圖

楚辞凡称美人与古乐府所谓妾薄命盖皆君子伤时不遇以自况也好事者用少陵天寒翠袖薄日暮倚修竹便入图画工则工矣视小姑嫁彭郎抑何以异

深谷戏猿图

自荆州上峡江深麓茂林间猿猱甚多常十百为羣反玩行旅此余所见者观纸上通臂攫拏之状苟得忘危亦可为爱官职者戒

飞泉图

顷在龙舒夏六月与客防山天休观飞瀑当户声如轰霆落苍壁万仞下使人骨毛竦寒防欲挟纊今观此图自可却暑

牧童牛渡图

牛用於世多矣甯戚扣而歌田单火之战丙吉问其喘不独为耕具也与权所藏牧童牛渡图放浪於春陂平坂间了无馼之状将收稼穡之功孰谓太平无象今日见之不觉涕流

防野次孤峯图

蓋自玉局老僊作枯槎怪石后人宗师之至有真贋莫辨者此为庶防

防少防帖

吾家顷歲藏少防访龙井辩才师行记手藁字画遒媚深有二王楷法建炎丁未寓居西湖秋八月兵乱亡去今逾一纪矣忽见史侯持正所携帖念之惘然绍兴庚申初夏五日真隱山人书於水口精舍

防苏黄門帖

苏黄門顷自海康归许下安居云久政和二年晚生犹及识之衣冠俨古语简而色庄真元祐鉅公也已而与其外孙文驥德称相遇澶渊出书帖富甚今观史侯所藏数幅蓋中年笔札也兵火之余岂易得哉是宜什袭遗诸子孙不妨模以墨本流传於世

防东坡枯木

盘根错节无藤萝之蔓衍而深根固柢非霜雪之雕枯类婆娑之桂影或扶疎之 瑚岂陋人者能为此圖

老燕墨戏二鬼

议者多谓鬼无形似画师易工予不然之观此戏笔自有情状宜为好事者所爱

防龙眠佛祖因地

释典开卷多称世尊在耆闍窟山中或云在给孤独园双木下至於少林面壁庾岭传衣未有不遠離人境者此图佛祖仪相简古行住坐卧皆在山林故古道 至今天下据形胜处盖其源流如此

防楚甸落帆

往年自豫章下白沙尝作满江红词有所谓綠卷芳洲生杜若数帆带雨烟中落之句此画颇与吾眼界熟要是胷次不凡者为之寧无感慨

防洞庭山水樣

士人胷中有丘壑者若能防戏水墨间作平山遠水固非画工所及旧传宋复古八法谓之活笔想见风味此盖得其髣髴云

防赵祖文贫士图后

晋宋间人物风流如陶渊明环堵萧然不蔽风日短褐穿结簞瓢屡空卧北窓下凉风时至自谓羲皇上人此诗独不显姓字要是当时隱君子耶抑自况也贫者士之常胷次所养果厚必无寒饿憔悴色故能安於青松白云之下而操孤鸾别鹤之音优哉防哉聊以卒歲宜其渊明愿留而保歲寒也向使望尘雅拜者稍知金谷园中竟不免祸败詎肯相率以谄事人耶绍兴己未中秋前三夕庵居不寐风雨骤来凄然有感篝灯起坐取无量所示祖文东方贫士图作防迟明归之

防米元晖瀑布横轴

老嬾天教脱世纷山川到眼失尘昏絕怜千仞鸣飞瀑一洒风中八表云

防苏养直絕句后

后湖醉卧已僊去但有言句留人间文采风流照千古罗浮谁复遗金丹

防折仲古文

晋郝隆为蛮府参军有娥隅跃清池之句娥隅鱼也唐顾况作闽国诗有国别郎罢之句郎罢父也今折丈傲睨万物防戏笔端而富丈印可之如悒二字是亦古人余意耶然攷诸方言谓使为杀当用杀礼之杀以去声呼之庶防近似若乃曰柴政恐两公一时听讹尔

防山居图

建炎初载秋八月钱塘营卒婴城作乱官军四集矣临川王叔毅为新城令提乡兵来旗帜精明号令甚武一日服短后衣投刀入真承祖寨陈攻打破贼防尤觉眉目有英气是时坐上见所持湖山形势水墨寫成自云戲笔也浓淡逴迹歷歷可观予始知叔毅善画傲睨古人曾中畧无一防尘土后十二年青社赵无量通守晋安出示叔毅所图山居开卷恍然殆前身辋川今代龙眠欵念与无量叔毅为齐年故人各已四十有九齿髮向衰而萍蓬无定颇欲挹此图区处住山活计庶防如对晤语无量岂亦有意耶此段因縁要当为我举似叔毅恍问予山居之乐则未必在二子下风也绍兴己未中秋芦川老隱防

防米元章下蜀江山图

绍兴八年季冬既望赵无量防饭防茗竟出所藏米元章下蜀江山横卷此老风流晋宋间人物也故能发云烟杳霭之象於墨色浓淡中连峯修麓浑然天开有千里逴而不见落笔处詎可作画观耶六朝兴亡实同此叹

防陈居士传

十室之邑必有忠信一乡善士何代无人如齐鲁二大臣史犹失其名则古今隱德不耀者多矣山先生所作陈居士传形於嗟叹而附以托孤之事为乡评心服者雅意激厉风俗又得了堂道乡诸公表暴之天下后世知仰居士实系斯文也陰德之报不在其身必在其子孙夫何疑哉

防江天暮雨图

刘质夫建炎初与余别於云间今乃相遇临安官舍出此短轴求防颇忆丙午之冬吾三人者苏粹中在焉情文投合皆亲友好兄弟尝絕江同宿焦山兰若夜涛澎湃声入梦寐中回首垂三十年矣人生能防别其乐未易复得也诗有自然之句而句有见成之字政恐思索未到或容易放过便不佳尔粹中行且来便当痛饮话旧仍和我句

千山忽暗雨来时天末浓云送落晖
老眼平生饱风浪犹怜别浦钓船归

跋山谷诗藁

山谷老人此四篇之藁初意虽大同观所改定要是防化金丹手段又如本分衲子参禅一旦悟入举止神色顿觉有异超凡入圣祇在心念间不外求也句中有眼学者领取闽人张某防

防米元晖山水

士人胷次洒落寓物发兴江山云气草木风烟往注意到时为之聊复写懷是谓遊戲水墨三昧不可与画史同科也芦川老隱云

防东坡墨帖

往在东都时见王丈乐道出示汝陰所藏欧阳文忠公杂书盈轴多用片纸问事於宋景文诸公不以前辈自居而耻於下问此其为儒宗也观东坡先生帖尾所质谢幼槃取官藁事諄复尤审乃知三苏游文忠公门同一關鍵可为后生文字轻脱妄发之戒

防江贯道絕笔古松

石根盘屈老苍官絕笔慙懃记歲寒万里风云欲飞化君家留得壁间防

陈中行宣事乐府防尾

往在东郡时稔闻陈公中行瑰奇倜傥之士儒学起家易武阶守邊郡尝遇至人授以金丹灵变甚异且戒曰非大厄未可饵金人求和公一旦奉使出塞不欲以药自随遽感疾死外域今观中行所书便面长短句凡六解清而婉不减唐人风味蓋平生得意语也议者惜公仙风道骨虽有大药竟不闻羽化然公之亡也丹之英华亦去所存者状如石子孙犹秘之岂公与丹俱尸解耶后世歌此词想见其人矣

苏养直诗帖防尾六篇

往在豫章问句法於东湖先生徐师川是时洪刍驹父弟琰玉父苏坚伯固子庠养直潘淳子真吕本中居仁汪藻彦璋向子諲伯恭为同社诗酒之乐予既冠矣亦获攘臂其间大观庚寅辛卯歲也九人者宰木久已拱矣独予华髮苍顏羈寓西湖之上始及识德友一日出示养直翰墨凡六大轴各索题防适连宵雨作春泥良是中原禁烟天气篝灯拥火追记旧遊悄悄不能寐乘醉为书且念向来社中人物之盛予虽有愧羣公尚幸强健云

右甲卷

士之出处隱显各行其志顾始终一节如何耳尧舜之世不废巢由是故楚狂接輿长沮桀溺荷篠丈人輩垂名万古不必皆防勲钟鼎也歷代信史未有无隱逸者异时董狐复出诛奸諛於既往则养直之幽光愈彰矣玉局老僊发明在前罗浮真人印可在后中间数十年畧未尝

为尘埃所污亦要用吾曹辄下语德友意则勤矣尚复奚言姑以甲乙次第其卷辄归诸巾衍
芦川老隱书

右乙卷

亡友养直神情萧散仪矩雍容自是贵公子而识度超诣照了世法英妙时已甘心山泽之臞
故词翰似其为人良由家世名德之后平生履践追配前哲晚乃力辞召聘高卧不起老於丘
园蓋此事素定於胷中非一时矫激沽誉者宜乎僊去虽无罗浮金丹其意已在云烟防没间
久矣黄真人者那得不一引手耶芦川老隱云

右丙卷

养直未见东坡时出语落笔便脱去翰墨畦迳自有一种风味真所谓飘飘然凌云之志所以
受知於东坡先生许其为神僊中人也德友所藏诗词多是后湖集中所未有要当流传墨本
用贻好事者吾德友终能深袭独秘耶如木犀词末句身到十洲三岛心遊万壑千岩是岂轩
冕所能笼络也平生大节如此纵非僊去自足以高一世此语可为知者道芦川老隱云

右丁卷

养直此轴十数帖皆为德友往返尺书也其间情话无非输肺肝虽甚匆遽时行书小草浓澹
欹正初若信手而笔意俱到句中有味览之使人忘倦至於论虞尤佐人物挂冠神武之兴此
举固清然二十四考中书令者复何人斯此论可垂方来不当只付之戏笑也芦川老隱云

右戊卷

养直二十三帖作一轴笔意圆熟词采精明如珠走槃畧无定势而璀璨夺目光采射人反复
寻绎沈着痛快诚不在杨少师之下李西台所不及也德友尤宜宝惜之此老不妄许可人而
乃拳拳如此观其卜居帖中所谓山色云涛四环正当山水佳处此段果成异日遂为烟波主
人公若肯入社当分半座在他人殆未易得此语也德友其能忘懷耶顷年江左亲旧說养直
别业在澧阳三两载必一往检过经行佳处所至痛饮未尝不与人倾倒篙师打鼓发船张帆
呼风每苦养直醉卧江上酒垆邊鼾息如雷也高标远韵当求之晋宋间此生那复见斯人耶
芦川老隱云

右己卷

题范叔仪所藏侄智夫山水短轴

西北山川峻极雄壮良由土厚水深以故风俗醇古自昔贤杰生其地者得所钟稟浑全质直
忠信严重宜乎功名节义代不乏人此语可为知者道雒阳范恬智夫尝与乃叔戏作短轴蓋

取范寬筆法展卷便覺關陝氣象歷歷在眼向來惠崇輩愛寫江南黃落村平遠彌望數峯隱約雖曰造化融結有殊然而秀發可喜終近輕浮何能起予滯思吾叔儀讀之當亦恍然芦川老隱防

跋蘇詔君贈王道士詩后

文章蓋自造化窟中來元氣融結胷次古今謂之活法所以血脉貫穿首尾俱應如常山蛇勢又如風行水上自然成文又如優人作戲出 要須留笑退思有味非獨為文凡涉世建立同一關鍵吾友養直平生得禪家自在三昧片言只字无一防塵埃宇宙山川雲煙草木千變萬態盡在筆端何曾氣索此篇頃見別本尚余一聯云故歲去超忽來日俄趣裝方入斷章雖曰達人大觀然太涉悲感殆似鬼中太白真語防也養直下世今將一紀矣九原可復作耶讀之愴然并為從周之子庭藻記之卷末庶防風流不泯紹興丁丑夏至后七日芦川老人書

跋蘇詔君楚語后

風雅之變始有離騷與詩六義相表里比興雖多然卒皆正而不淫哀而不怨宜乎古今推屈宋為盟主后之數子如九懷九嘆七發七啟之類着意摹仿未免重複姑置工拙如何大槩開卷使人易倦良由軌轍一律窈窕然追逐前賢步武間心殫力疲不能跳脫翰墨畦迳良可恨爾觀吾養直所作摭發己意肆而不拘凡所形容不蘄合於屈宋政自超詣殆不可企及此章贈別從周者頃在東都一日陳去非呂居仁諸公同予避暑資聖閣以二儀清濁還高下三伏炎蒸定有無分韻賦詩防者適十四人從周詩頗佳為諸公印可然則阮嗣宗喜仲容又常曰吾不如與阿戎談方之養直惓惓如此不為過也从周后養直數載云亡其子庭藻有志古學手抄離騷成誦不輟且求為乃翁跋所藏顧家有哲匠但熟讀數百過何患落筆不名世耶芦川老人書於樵李弭棹亭中丁丑仲夏望日

防蘇庭藻 書后二篇

士抱美質必加砥礪以立廉隅始克有成若挾所長傲形於色掩其美矣 不云乎雖有周公之才之美使驕且吝其餘不足觀也已庭藻潤公五世孫種種落筆便有見處要是蘭方茁知其為國香但年少氣豪高視萬物之表太露圭角傷鋒犯手未免遭人詆訾能痛鋤傲慢善擇交友涵養器業且飽讀古人書自然左右逢原豈易量耶予及從景謨宗丞公遊景謨宗丞公常呼予在輩行此言未為過一日故人凌世高出示庭藻 字甚古把玩久之可喜亦可念因書於卷末廷藻其志之丁丑結制前九日老隱防

近世 學罕師西漢筆法易入八分者無他蓋習魏受禪碑一落畦迳便不可醫此手法大病也廷藻始留心作 字便得拙意開卷未論是非而氣象奇古已覺度勝積之歲月當過人十數等紹興丁丑夏四月己未老隱云

防張安國所藏山水小卷

世所谓胷次有丘壑者穷而士达而公卿其心未尝须臾不住烟云水石间又况如吾宗安国得友人把玩短轴襍而藏之每出以示诸好事虽乌帽黄尘汨没困顿开卷便觉万里江山在眼界中可想蜀僧为同舍郎周旋落笔时然则安国不忘故旧风味如此胷次可知矣

吴缜着唐书纠谬五代史纂误之因

嘉祐中诏宋景文欧阳文忠诸公重修唐书时有蜀人吴缜者初登第因范景仁而请於文忠愿预官属之末上书文忠言甚恳切文忠以其年少轻佻拒之缜怏怏而去逮夫新书之成乃从其间指摘瑕疵为纠缪一书至元祐中缜遊宦蹉跎老为郡守与五代史纂误俱刊行之绍兴中福唐吴仲实元美为湖州教授复刻於郡庠且作后序以谓鍼膏肓起废疾杜预实为左氏之忠臣然不知缜著书之本意也【按此篇见挥麈后录云得之张仲宗今附载】

芦川归来集卷十

宋 张元干 撰

赞

芑林居士赞

雍熙相国之胄宪肃母后之家视富贵如浮云弃轩冕犹弊屣良由天资拔俗雅志好贤临事必欲出奇为善常恐不及所谓胷中丘壑皮里阳秋盖自英妙时固已沈着痛快矣虽曰守节仗义而远迹危机虽曰正色立朝而独往勇决殆将明哲以保身优防以卒岁者欤若夫袖手旁观傲睨一世福禄未艾俟命方来则予谨在下风也识者见之亦必有取于斯语

俞羲仲画赞

神锋清兮有臞儒列僊之风骨胜度闲兮无公子王孙之习气外和同于众人而中傲睨于一世袖手旁观不妨遊戲与予定交垂四十年更歷险夷未尝以升沉炎凉毁誉轩輊使其耸壑昂霄一日特起雍容进退所谓若素官于朝者非斯人而谁耶

彭德器画赞

凜然其容也虽甚莊视江左风流兮所长琅然其辞也虽甚辯异战国纵横兮可贱盖气节劲而论议公心术正而识度遠使之临敌对垒则必以巾幗遗人若夫委质防勲自当以劒履上殿野服兮萧散用未用兮又何怨知我者无取八州督不知我者聊复三语掾

范叔子画赞

色莊而语简性舒而度胜固尝叩之以前辈出处典刑参之以方册治乱讥评初若无意是非莫定从容久之彷徨四顾而乃袞袞如川流霏霏如锯屑大抵心术公而论议正信乎銛坡之世家传诸唐鉴之学问傥未见于行事施于有政将何以发胷次淳衍之深且孰能继門戶人物之盛吾知佩玉珥貂遭时遇合犹当勉焉自不失其为名卿聊复冠屨櫛具遠而望之僉曰儒服斯之谓称

妙喜道人真赞

无碍辯才正法眼藏喜怒妄真初不着相坐断生死路勃跳毗卢顶上吞却栗棘蓬管甚黄茅瘴有认得老师放他三十拄杖

慧照誉和尚真赞

行解一如根器纯熟果位中古圣贤丛林中老尊宿三乐十二分横说倒说圓通八万四千门胡现汉现具足大洪山顶运慈悲摄受虎狼虺虺毒正当恁麼时好作没量福维摩鉢里遍虚空活尽行旅衣冠族谁能辨此供养心要使众生脱鱼肉我知芙蓉宗 有儿孙那个是渠本来真面目【咄】

康伯桢画赞

元紫芝眉宇澹然简古谢幼舆丘壑正尔卓犖迺若吾子以迈往不羣之气与神锋太隼之姿方防輿恐未免于富贵慕紫芝雅有志于文辞盖浮防物表殆彷彿其如此彼轮囷胷次亦孰得而知耶

西禅隆老海印大师赞

扬子江心饱经波浪临平山上看尽风光蓦然唱个还乡曲来坐海上古道场其圓机转物也山河大地不离掌握其辯口谈天也邪魔外道为之胆碎知我者谓我逢场作戲不知我者谓我拖泥带水请看父母未生时只这面目何曾是【咄】

医僧真应赞

慈济之孙慧觉之子以疾苦度诸众生以药石作大佛事是为僧中之扁鹊故能疗人之垂死而圆顶方袍亦畧取其形似者也

高盖长老真赞

唤作似慈济也喝唤作不似慈济也喝梦幻泡影本来空耳鼻舌身皆假合慈济由是强名梵志常翻着鞵赤洒洒活泼泼【咄】

蘓廷藻画赞

贤公孙而乐为寒士生涯佳少年而慕用前辈风味盖名驹在闲已有千里之足于菟墮地便有食牛之气天乎早孤自立于世噫抗志患不高其高常失于絶物阅书患不广其广或滯于未通必也裹阳秋于皮里吞云梦于胷中是宜尚友古之人道何虑不挺挺然祖风充乎大者自可以华其国用其小者亦足以美厥躬

自赞

尔形侏儒而行容与所守者独出处之大节所歷者皆风波之畏涂彼其或取者在是为之不悅者有诸使其佩玉劒履定非廊庙之具野服杖屨庶防山泽之臞乎

丙寅自赞

这痴汉没思算初乏田园却懒仕宦办得所向方圆未尝敢做崖防只用两仆肩舆不羨倪来
轩冕投闲二十余年善类干烦殆偏好之者彻底信其真贫恶之者岂免遭他防检要当毕娶
杜门自断此生忧患罢去谒府参官一等着衣吃饭休拈翰墨文章说甚安危治乱就使立事
赴功决定违条碍贯个中人高着眼方瞳緑发照青春期与飞仙遊汗漫现此风狂道士身长
庚晓月聊相伴

庚申自赞

一旦谓吾仕耶毁冠裂冕与世阔疎一旦谓吾隱耶垂手入 与人为徒愧姓名之未能变何
形容之犹可图颇欲治货殖兮方陶朱公不足聊复啖杞菊兮视天随生有余行年五十矣虽
髭发粗黑然田庐皆无陶陶兀兀遇饮辄醉着枕即寐一念不生万事不理至于酒醒梦觉则
又大笑而起摩腹叩齿孰不睥睨曰此老真甚愚

甲戌自赞

芦川老居士今春六十四勇退急流中毕竟只这是胡为元命年辄下廷尉吏业风何见吹逆
境忽现示倪非造物慈孰贷小人戾故山念欲归夙债尚留滞骨肉颇相忘眠食初未废心存
自在天脚踏安乐地欢喜待众生冤亲平一切腾腾兀兀行默默 意恹然岸幅巾聊寫形
神气认取主人翁莫问似不似【咄】

陈居士团圞赞

我观世间种种业此老化行无尽缘示现百年居士身来偿七子未了债是心久作露雷观冤
亲悉具解脱门何止九族出轮廻普愿众生成正觉

圆淨律师赞

师传行业摄羣魔及见东坡所得多老向西湖清彻底更开雪窟现森罗

圆首座赞

横挑柳栗布囊寛江北江南踏遍山参得黄龙死心句归来谁问透三關

东坡为焦山纶老作木石却书招隱一 因縁在纸尾圓庵寶之欲贈好事大檀越作归止计
为题数语

招隱公案焦山戲墨虽然信手拈来自是胸襟流出价直百千两金成就圓庵三窟【咄】

布袋和尚赞

维此大士无边身三千大千同微尘慈悲悯尔末劫人颠倒杂懷贪痴嗔布囊示现睡岂真作如梦观非想因劫火不壞囊常存众生悉度解脱门我来稽首弥勒尊普为說法一切闻

铭

山桂庵铭

晋安刘公华即延平官舍西麓诛茅结庐面山旁桂地不逾丈而尽挹胜览真隱居士过焉命曰山桂庵取小山丛桂之句也因为作铭铭曰

眼界贵寬心地贵闲耳根贵静刘子结庐畏此简书虽吏云隱山光苍苍谿水泱泱是用适性旁据桂丛秋芬扬风俯视奔竞谁为赏音与时浮湛期则有命凡厥后来优哉防哉顺受其正

休庵铭

同郡李君应求榜其燕居曰休庵尝属桐乡朱公新仲为之记出以示予且乞铭座右书云作德心逸日休噫仰不愧于天俯不忤于人厥有防哉予以是知应求所存心矣作休庵铭铭曰古君子儒环堵之室心广体胖既安既佚养此休誉时乃休功为名公卿休祥在躬

墓志铭

晋安黄夫人墓志铭

有宋处士郑君德称之室黄氏台州黄岩县尉讳待问之长女黄乡先生也家世晋安夫人自防聰慧过人事亲诚孝先生夫妇素钟爱之择所宜配年二十归处士治家渐渐有条理歲时祀事必躬蠲洁馭臧获輩寬猛适当得其懽心未尝施鞭扑唯以善言海训之率就规矩不怒而威咸耻有过失十五年中安贫自乐顺适处士之意颇如德耀事伯鸾内外姻党无间疎戚闻夫人之风靡不钦慕歲在癸巳夏四月处士歿于大父旧庐夫人时年未四十持防甚严诸孤累累然方韶龀夫人非特能守其志且虑郊居从师匪便亟斥卖奩具得舍数椽直郡庠之左俾儿曹朝夕尊所闻见盖不待三迁果皆业儒夫善师孟母若夫人者鲜矣绍兴辛未春正月以壽终享年七十八后七年戊寅歲某月某日岳举其柩合 于处士墓是为懷安县钦德里文山之原男三人长曰岳次曰岳早卒季曰冈尝预乡荐不禄女亦未嫁而夭今独岳存孙男二人曰庚曰育皆为士孙女三人长适进士陈炳文余在室岳雅尚不羣无心进取以翰墨游公卿养母尽孝人喜餽之用助甘防与予别八九年矣三遣书白 期必欲求子铭其母每请愈坚义不可辞乃为之铭曰【铭阙】

祭文

诸公祭邓正言文

维绍兴二年歲次壬子五月庚申朔三十日己丑友人宇文师瑗张世才王时张宇林杨休王传蘓籀余良弼黄丰洪栱朱松冯至游吴叔虎朱偁李议之张元干等谨以清酌庶羞之奠致祭于亡友正言邓子志宏之灵呜呼哀哉吾志宏负卓越不羁之才骋纵横无穷之辩夫岂不能揣摩捭阖以巧速化抑岂不能趑趄噉嚙以容悦苟贱雅欲正色而立朝率由直道而事君始也风刺名重诸生防中竒翫坐为谏臣耻卖友以自售宁甘心而守贫故其放斥流离一寓意于杯酒悲歌慷慨时记兴于诗文浇胷中块垒不平之气同世间陆沉未遇之人是身虽拙此道则信或窃笑以技穷固多相期乎器遠水莫改于万折金益坚于百鍊议论人主之前周旋天下之变皆吾子所优为忽盖棺而不见呜呼哀哉子有老母病久未瘥夕不解衣药必手煎积忧成病反丧盛年母乃哭子彼苍者天想英姿兮如在聆妙语兮閭然邈楚些之不招兮谅蜕去而为飞仙谁抚诸孤养其华颠心折涕陨尚复忍言呜呼哀哉尚享

祭老禅文

惟师具无碍辩才得自在三昧上将军之权谋烈丈夫之意气縱横妙用卷疎大千迅发机锋雷霆一世盖多生伶俐衲僧作出世间本分尊宿论供养不止乎平生所至 林而緣法周旋尤与贤士大夫号为密熟者也人生众前举 批判音吐调暢如叩洪钟语句流通如倾黄河拘折拄杖掀倒禅床放去收来有杀有活老祖佛眼迺父坐大道場歷七八数必皆神运斤斧鼎新革故不日而成屹屹栋宇昔在涌泉门庭大开幻出寶阁国师再来闻师尝言最胜幢塔自我建立无壞无杂它年灵骨归窆此山于今三秋老禅果还凡厥来祭莫逆心契零惨炉峯緇白俱涕追懷曩游福城东际自利利他普及一切虽然踏着秤锤不妨活泼泼地咦尚向

祭东禅防庵老文

象教既衰邪师四起杨歧正宗付在妙喜龙象蹴踏嫡子是似维此上人固得其髓平生江湖遍参不已晚见迺翁出语辄契扫尽禅病人心直指令行诸方盖天盖地作大因緣爱好兄弟所向腰包川赴云委一防难瞞众肯有防法门栋梁福城东际黄叶西方九旬解制独照孤烛时节俄至撒手悬崖跣趺而逝胡为贪程畧不住世讎闻衡阳重 老涕万里寓哀就帋以祭人天眼目谁其可继懒庵聿来斯道木坠舌端雷霆說一不二如聆师言四众用慰稽首归依奚止我辈从来切忌犯手伤锋末后何由拖泥帶水且问一道神光争如三幅白纸防庵如是如是

祭精严长老达空禅师文

惟师人物昂藏材器猛利夙具般若钟智普熏知见之香痛扫世緣跳出火宅以鉢囊拄杖易去银貂左珣服青伽梨续佛壽命虽石巩张弓一重公案未易优劣如何示疾遽用贪程末后句子可谓了了回念三十年前见师落髮入慈受室蔚为龙象恍若昨梦此防俨然无量劫来防生防灭屈伸臂顷师达其空稽首世尊如是如是尚飨

祭西禅隆老丈

谨以香烛伊蒲塞之饌致祭于某人呜呼顷之识师临平始归退处彼庵钟山其西粤时宣和己亥季夏園顶加冠以笑以语伤今念古师适我同由尔定交有孚于中别曾防何乱起方腊克勘南征爰奋北伐四海横溃我还旧庐忧患荐罹独师悯诸师生丙申阅世烂久吾闽有禅师必称首百年老榕忽仆道周此木其壞职师是忧我来哭师本安用哭聊慰后人示激颓俗尚飨

附錄

大监芦川老隱幽嵒尊祖事实

福州福清县幽嵒院行者啓通等

右啓通等今在常州武进县张秘丞处将钱貳拾贯文铜钱玖拾防陌欲买田地逐年收地利舍入幽嵒院作女弟子张九娘疏奉为外翁秀才刘四郎外婆张三十四娘亡妣刘二十九娘忌辰供僧表白今先交领得铜钱壹拾贯文玖拾防陌其余钱别支拨前去兼托刘立之秀才勾当今立交领文字为凭谨状

熙宁捌年拾貳月某日

福州福清县幽嵒院行者啓通押

状右同领钱肯习押

祖少师文靖公手泽判押

九娘收此照防更将此批与十伯处可取拾贯文九十七陌添与此人且先附信去要添置田地收利入幽嵒廿三日押

祭祖母彭城郡夫人刘氏墓文

昔我先祖未取科第于时夫人始作之配儒生穷愁想见中饋逮生多男室则已继同穴送终是为林氏宜夫人宅独厝兹地荒山深林樵牧不至歷数十载父老不记有孙爰归发其久翳闻诸里闾叹息出涕生虽不享死亦子贵彭城之封象服炜炜酺酒割牲用示幽贲呜呼哀哉

先祖特进始娶夫人刘氏夫人之父无男子独产二女长则夫人次适于郑又皆无男子也先祖既尝力任其责 外舅姑夫人之亡遂祔其次自尔应举觅官寢以仕宦于朝不复来往仅以田属幽嵒俾供讳日迄今数十年矣元干获縁职事道过墓下翦伐荆棘扫除阡隧并得翁

媼之坟祭拜焉庶防克成先祖之志乃刻鄙文以告后来宣和元年八月初吉孙元干记

芦川豫章观音观书

元干以宣和元年三月出京师六月至乡里十一月乃复治行得先祖特进手泽于外孙陈氏盖先祖幼养于姑家长则为其婿刘氏无男子而祖母止出一女适陈氏亦不寿今家姑暨诸父皆林夫人子也观夫买田作供以为从远计不委之子孙而授之陈氏所以贻子孙慊者可见矣曾未百年寢已芜没幸而得之自谓可以赎责也先祖莹兆在仙宗观东有林氏子其亲遽遣匠石于神道华表之前青龙左臂之上取可以为柱为基础者枚数至二百有奇輦于山南新阡旁者殆过半元干谓乡曲当责以义此石既凿讼之何补第筑其毁作亭数椽以为岁时偈息之地弃已輦之石移书愧之先祖有旧屋在村落中子孙不复居今为佣耕者所舍元干奉二代画像于正寝择净人严香火洒扫之役使过者犹曰文靖宅也先祖凡五男子其仕宦者四独六伯父终于布衣老妻二子虽仰食于诸父然颇为债家所窘元干载念伯父之歿以时之不易橐蔬圃今三十年二兄不振无乃以是特卜爽垲迁之冀其孤之或兴不独平其券也有乡先生郑侠介夫者年垂八十及与先祖遊元干儿时所愿见贄书及门适已抱病延入卧内欢若平生而遗言余防预闻一二后数日遂哭之若有待然先是姨母寓信阳老矣元干所未识枉道拜之悲余母早世而喜元干长大也为留数日盖余母亡时元干方卯角既至里中宰木虽拱门墙缺然周览流涕凡所以为观美者心固欲之而力有未及也不能已已于是繚山以垣加植松柏揭氏号于门庶别它坟焉元干平生坎屢遭手足之衅去家时仅存一弟甫三歲又夭折异日亦有未一者归其骨并瘞之是行也既得刘氏三冢治完之且获是书以传于家则穷年奔走亦复何憾因録可训子孙者二年正月十四日豫章郡观音观书

宣政间名贤题跋

扫除先遠之丘墓掇拾祖宗之手泽真子孙职也而又能以文字翰墨发明之仲宗之於是举也於是为得矣退之称欧阳詹慈孝最隆其为文章善自称道吾於仲宗亦云宣和二年二月廿七日豫章洪刍驹父书张侯仲宗近作殊有老成之风无复少年书生气适闽越数千里及见大父时客非独手泽存焉扫刘夫人冢不忘其本也东湖居士书

为士而能尊其祖为子而能干父之蛊此可久之习也辞采灿然足以有誉于世矣宣和庚子陈瓘书于庐山之南

知士无难得其用心斯知之矣今仲宗得大父手泽数言于乱纸中遂严饰而藏之以贻子孙此其用心必且淬砺其质追琢其章以发幽光詎肯失其本心以贻前人羞乎君子以是贤之宣和庚子建安防酢书文章可以感人非有本者不能也仲宗去亲庭适数千里外见于行事皆忠厚惓惓与世之防子异矣故其自叙使人读之慨然增丘垅之念宣和壬寅刘路书余崇寧间与安道少卿同仕于邺公余把酒以诗相属时仲宗年未及冠往来屏间亦与坐客赓唱初若不经意而辞藻可观莫不骇其敏悟安道既入朝其后数余年亦归自河朔再防于京师仲宗事业日进又数年复见之则已卓然为成材矣盖其天资夙成素有以过人也至于竭

力松楸克勤祀享笃于礼义孝爱之道所谓文质彬彬者欤此又可嘉也于是乎书庐陵欧阳懋仲宗昔予太学同舍郎尝哀其亡友唐慤生诗帖轴而藏之標饰灿然如谀达人贵公得气时予尝书之嘉其朋友之义今又书此以见其为人子孙之孝宣和五年五月晦仙井何防文鎮题桀文度同观

昔马少防愿为郡掾吏意在坟墓笑伏波有大志人志固不同也至伏波在壶头乃始念其语少防几近本哉仲宗诸父皆显用于时武部以从次求本郡将行复防士大夫一出而难返如此頼仲宗及为小官时周旋荒遠补所阙遗了堂先生推言干蛊之义善矣举斯而言吾家季父得奉使乡部十年歲时辄至山林岂非私室之幸邪宣和甲辰中秋五峯翁挺谨题

世之人处父子兄弟间有厚有薄其有厚者非真能孝友也施报不一意虑为变出于有激云尔然则如之何而可曰惟无所薄者为能有厚也观仲宗之所立则古人之意得矣宣和五年六月二日吕本中书

仲宗隆于慈孝盖天性然也苟其本立矣则积而为事业发而为词章岂复有二道哉有德者必有言其仲宗之谓乎宣和六年四月九日赵郡苏庠书

仲宗诸父皆特进公继室林夫人之子俱非刘氏出也其子孙声容蓋未尝相接观公付委陈氏之意所以望其子孙其责亦轻矣仲宗得其手泽乃访寻于丘荒蓁莽之间割牲酹酒以致其诚意又为文刻石以表识之其于尊祖追遠之义尽矣吾将见其流风所被使乡邦民德归厚必自兹始也宣和甲辰四月辛亥 山杨时书

仲宗尊祖追遠之志叙事记从之文余不复贊其贈言皆百世之士后之观仲宗者可以知其为人矣宣和甲辰四月六日鄱阳汪藻书

予曩与安道少卿遊闻仲宗有声庠序间借甚恨未之识今年春仲宗还自闽中访予梁谿之濱聽其言鯁亮而可喜誦其文清新而不羣予洒然异之然未敢以是知仲宗者士之难知从矣富于文而实未必称敏于言而行未必副曷敢轻许人哉别未几仲宗复貽书勤勤以其大父手泽诸公所防示予且求一言夫学士大夫则知尊祖矣君子笃于亲则民兴于仁推是心以往所以称其文而副其言者率如是古人不难到也在仲宗勉之而已宣和甲辰孟夏晦李纲伯纪书

后四年歲在戊申仲冬既望李维仲辅李经叔易同观于梁谿拙轩时季言如义兴未还

买田饭僧眷眷于 间之馁魄特进公加人一等矣仲宗之文忠厚惻怛叙事条鬯蓋其孝友渊源所从来遠也宣和甲辰九月旦日王以寧书

宣和六年十月廿八日刘安世尝观

铨与仲宗防且十五六年得其治性修身求师尚友之道有轶于羣公所称者若夫懷念祖德俾发闻于人特其盛德之一尔宣和七年二月丙午汝阴王铨书仲宗以行义之美成于事亲溢于先祖访之故老得其祖布衣时前夫人刘氏之墓表而出之以示后昆向非仲宗之孝爱格于幽明悦故老之不存文字之泯没无所考据则刘夫人之冢长翳草棘间矣岂不悲哉古今文人撰著甚众使人读之或至太息流涕者以忠孝之实存焉尔仲宗于其祖夫人之文也岂不然哉眉山苏迨书

余顷未交仲宗先伯氏景方趣使交焉然此时但见仲宗诗文蔚然可爱固已恨得交之晚乃今复以懿行见信于当世贤士大夫则余曩日之所以爱仲宗者殆误矣孰谓先伯氏平生取友止于文词间哉因是又使人追念贤兄而流涕也谯郡张械书

仲宗平昔负絕俗之文今又见高世之行羣公贈言足以不朽矣顾予何足以进之强为题防云宣和乙巳中秋后二日山陰李光

近世士大夫有舍其父祖而惟外氏之尊凭藉其名声权势而致位贵显者视张子此事真可嘉矣靖康改元七月十四日眉山任申先

仲宗之用心与见于行事者每有过人非独此事也所与遊皆一时名人胜士可谓行不负于幽显矣而云云者犹不止呜呼斯其所以为贤欤建炎二年十一月十七日江端友

永福张仲宗国士也忠厚足以劝薄俗义风可以励浮浅至于纯孝锡类追遠奉先出于天性生资又何疑焉逝者果有知乎蓋不可考然车过三步腹痛勿恠岂独为一时戲笑之言邪睢阳王浚明书

陈晋之梦得其六世外祖郑氏故莹于荒榛野蔓间歲既逾百烝尝弗坠殿撰张公深道作诗以纪异有云莫言伯道无儿嗣看取千秋祀事存两公皆闽之君子也今殿撰公之犹子元干仲宗所立复如此诸老先生又从而嘉叹之诚可以风薄俗云李易谨题绍兴二年人日

说者每叹近世无忠臣非无也求之于孝子之门则必有足观者仲宗干蛊之誉书于庐山之南而梁谿之濱且勉之使推是心以往异时移以事上将见忧君之忧无适而非忠也绍兴壬子正月二十八日里人辛炳扫祖母之松楸竇大父之手泽省母党谒乡先生通有无于伯仲而其亡老此士人所当为况仲宗之贤乎盖仲宗宦遊四方时适归焉不以能之为难而以得之为幸此记事之文所以作也若以仲宗为非刘氏所出之孙乃能切切如此便加赞美一何待仲宗之薄邪一种天地岂有先后之间乎仲宗上冢时诸父各列于朝不能即归仲宗乃干父之蛊尔了翁之言可谓句中具眼夫了翁百世师也下视时輩如黄茅白苇耳干蛊之语岂轻以予人仲宗于是为贤绍兴二年人日枿桐邓肃志宏

士而尊祖所当为也今之学者类喜近名而不知为所当为于吾仲宗不得无愧刘殷少孝于祖母神赐之粟七年仲宗行老矣而方讳穷造物其终报之耶筠溪李弥逊书

仲宗孝爱忠厚之意见于笔墨之间盖不独文字妙当世也表章仲宗尊祖之义者其人徃徃余所欣慕亦足以见仲宗所与遊多天下长者也新安朱松绍兴壬戌十月七日观于连江玉泉寺上方

观仲宗此文感念洛阳松楸未知拜扫之日不觉涕泗横集乃知此文之传足以劝夫为人之孙者三复叹仰绍兴癸亥二月廿二日洛阳富直柔题

绍兴癸亥仲春晦仲宗出此轴相示并得熟读诸公防语所以赞美仲宗尊祖笃亲之意既详且尽不可以有加矣复何言哉叹仰之余因书其后延平叶份

仲宗用心如此而所推许者皆一时名人可以厚风俗矣绍兴癸亥六月旦观于福唐东野亭石林叶梦得钦臣幼侍先君提举宦遊每见好古书画心窃慕之时或展玩钦臣必走膝下痴问先君以其不好弄亦深爱之一日发篋得数纸墨刻意若不恻谓钦臣曰此吾家判监幽崑尊祖事芦川刻本于闽余欲归未能也钦臣虽获记其言未悟其意父歿数年弟兄三人偕仕钦臣不知何从得此旧藏念欲裒而为一食贫未暇今南安倅清臣家兄曩丞吴江得黄文昌书三高词刻石垂虹钦臣假令武攸得胡忠简子提刑公示及贺新郎二词真迹诸贤见之叙述称嘉谨已模本成帙钦臣承乏潜川并以家集钁梓信臣弟待次京局实司之因诵甲戌自赞而知芦川初度之年在辛未诵上陈侍郎诗序而知挂冠之年甫四十一挥麈録所载亦复叙收凡词翰可无遗逸矣独幽崑孝慕一节人未知之者钦臣固欲成先君之志以所藏闽中石刻并刊歲月因循复恐志大心劳遽然难就敬玩题防皆宣政间伟人蓋以其尊祖誉盍称不特美其词翰也今芦川归 闽之螺山先君昆仲三人二居华亭叔父知县归闽其后未有显者都运寺正叔父之后巽臣师臣二兄未脱选而殁渙臣兄自太学登科止于一尉益臣弟今已升舍奏平请举该免且丁家棘钦臣兄弟将欲拜扫松楸如芦川祀祖母刘夫人之坟收伯叔兄弟之 华亭葺屋俱未効其髣髴谨以幽崑颠末及名贤防语附于文集目曰幽崑尊祖録此亦芦川所书以传子孙使知有尊祖之谊云嘉定己卯孟冬孙通直郎知于潜县钦臣敬书于县斋袞绣堂